

申 52

642.

病理學稿裁

呂君



初稿初裁後編

病理學稿裁

趙悔盦題



上海和平藝社叢書



病理學稿裁不計卷

(後編)

初稿

初

初

裁

中華民國二十一年九月初版

吳縣 潛叟 姚文藻 小陶甫 裁

吳縣 壽侯 徐承楨 勤安甫 裁

吳縣 姚心源 滋常甫 稿

吳縣 姚奮芬 任之甫 校

吳縣 蔣廷銘 誦盤甫 校

上海 和平 藝社 發行

上海 惠羅印務局 承印

四明 張又南 排版

藏書

此書係初版一千部中第〇三五五六號



律病篇

從病的表現病的證象測度到病的過程病的量能因一定病率而定其病名設其表現不足證象不充類似此病者即非此病均分別說明之如量能之移轉與追加與夫過程上之時效問題均附於各條之下庶臨床可以診斷臨症可以治裁

瘟病章 瘟病者皆熱病之類也熱高溫之簡稱非指受量言也

惡風 病於毛

惡風熱者風中熱浪傷之也先病肺

惡風寒者風中寒浪傷之也先病脾

於空氣中覺窒息者胃傷風之燥浪也

於空氣中覺沈重者胃傷風之濕浪也

惡食 病於胃



殓拒者胃毛傷而護胃之絡亦傷也

杏不思納者胃囊實滯也

作飽者胃酸不足不能利運也

嘈餓而大便通者脾用消耗過量也卽肝腎之用過暢也嘈餓而

大便秘者胃囊痰濕重不殺饑也一是（胃火旺）一是（胃陰

弱）

吐有聲有物謂之吐有聲無物謂之噁有物無聲謂之嘔皆胃管

毛瘞也

瘟病者總名之曰傷風認明此風字乃爲要治

暑風類

病於暫定含量痰體爲多

暑者熱濕之氣相加也其氣悶鬱熱本動受濕之制也

熱傷肺毛

濕傷胃毛

暑病者肺胃之病也

傷肺 肺水氣之暫定痰量病

熱量 兩熱相加

爲氣管炎爲肺炎爲肋膜炎爲睥尿秘爲尿黃

寒量 風熱痰寒加於肺

爲喘息爲呃忒爲季膺痛爲睥尿清長

傷胃 胃護絡間之暫定痰量病

濕量 風濕痰濕相加

爲瑾拒爲嘈餓爲泛吐爲大腸濕結爲大腸作薄

燥量 風濕痰燥相加



爲脾用過暢嘈餓爲燥亂性忤不思納爲腸燥爲溲便血

暑傷心

肺胃毛傷而肝腎腺脈皆痿不能用心應缺少故暑風容易變瘧
暑所以傷心也

故曰暑濕傷肺

暑熱傷胃

暑久傷心

古義先夏至病溫後夏至病暑病溫言伏病也乃春風所受非暑風也
春風受冬之俵燥俵合夏之原濕爲寒位熱乘之象

靜而得之謂之中暑動而得之謂之中熱中熱濕不多也病於肺不病
於胃中暑熱兼濕也病於肺兼病於胃 中暑傷心肺傷暑傷胃肺暑
疫卽霍亂今名虎列拉又名痧氣亦曰疰夏

暑病條件 高溫 惡熱 腹痛 解休 油面 無汗 暴注下迫

泛吐 肺窒 脘悶 或欬（氣管炎）或渴（胃苦滯）神倦毛

孔皆蔽不得洩宣肺平胃爲治

熱病異同攷 高溫 惡熱

風熱痰寒者澄出清冷 油面 焦燔（毛燻） 肺炎 大渴

熱飲（風寒痰熱又屬別論）

春濕晚發 高溫 惡寒兼惡熱 欬窒 腕下悶 腹不舒

甲錯 汗洩不解 口渴不欲飲

熱濕今之所謂夏濕溫病也

高溫不冷飲 甲錯 油面 殍殮 惡寒有時惡熱

熱疫者俗稱曰熱痧證以今義胃囊不守風熱痰寒所致

朔風類

病於暫定含量痰體者多

朔者寒燥之氣相加也其氣翻亂寒本靜受燥之蕩也

寒傷腠毛

燥傷胃毛

朔病者腠胃之病也

傷腠 腠護絡間之暫定痰量病

熱量 風寒痰熱加於腠之絡腠絡傷而肺亦病

爲頭重爲項強爲肩息爲呃忒爲膺季痛

寒量 兩寒相加

爲毛瘰形寒爲脈瘰爲腺瘰

傷胃 胃護絡間之暫定痰量病

濕量 風燥痰濕相加

爲嘈餓 爲吐逆 爲大腸燥結爲便血爲間接性脚腫

燥量 風燥痰燥相加

爲亂燥性胃攣瘕爲大便下血爲燥糞結爲甲錯爲口渴欲冷飲

朔傷腎

脬胃之毛傷而腎之腺脈亦不得利便腎病而延傷於肝故冬不藏精春必病溫言伏氣之晚發也

故曰朔寒傷脬

朔燥傷胃

朔久傷腎

古義有中寒傷寒之說中寒爲猝倒暴中傷寒爲殞殍不適與傷暑中暑同理異呈也證以今義乃知暴中爲脊衝病殞殍爲肺脬量重不等病暑傷於脊衝暑中也病寒傷於脊衝寒中也暑病於肺脬暑傷也寒

病於腠肺寒傷也

朔病條件 高熱 惡寒 腹膨 膈悶欬窒 精神不振 確瘵

胃腕痛 大便 下毛孔既鬆有汗不得潤溫腠理胃為治

朔病異同攷 高熱 惡寒

寒濕 今所謂濕溫病是也寒濕為病澄澈清冷 渴不熱飲

甲錯 確瘵 為風寒痰熱也

寒燥 秋燥晚發也 解休 渴飲 欬窒 溲頻多

寒疫者 俗稱曰寒痧證以今義為胃有痰熱不耐風寒胃囊不

清害等暑疫

（總論）在春有冬伏病有春濕病在夏有暑病有春伏病在秋有秋燥病有夏伏病在冬有朔病有秋伏病謂冬伏病者春病引動冬伏而病也夏謂暑病而不謂熱病者謂不盡熱也熱中兼濕也夏伏病者秋



病引動夏伏而病也冬謂朔病而不言寒病者謂不盡寒也寒兼燥也暑從日濕似水熱似火火煮水蒸發其氣也故暑氣多熱多濕

朔從月熱浪逆月則其象隔離映射間接故熱位而寒寒蓋熱浪不盡揮其量也所謂朔者寒又兼燥也故朔氣多燥多寒

冬伏病春濕其本氣也冬朔其坐氣也春濕冬朔之合病曰冬伏病夏伏病秋燥其本氣也夏暑其坐氣也秋燥夏暑之合病曰夏伏病

夏伏病見於秋治燥兼治暑冬伏病見於春治濕兼治朔

余不云乎寒熱不相兼濕燥不相兼乎秋病見夏伏者似暑濕秋燥合矣春病見冬伏者似朔燥春濕合矣須知本氣風氣也伏氣痰氣也否則夏冬風氣之伏伏於何處伏於人含量痰體之中而爲暫定含量痰體伏於胃之毛息伏於肺之毛息伏於脾之毛息伏於腺脈一切可以成痰量之處伏者欲發而爲本氣之引動一風之中寒熱燥濕不相兼

風痰之間寒與熱敵燥與濕敵所以成病也

而其無伏氣者則其風氣之侵占於血液毛息之上方欲成就其暫定含量痰體去之風而痰體亦不暫定故無伏氣之病爲易治

然人不能無固定痰量風侵於人之固定痰量也設其病與固定痰量爲敵其害勝於伏氣

固定痰量人所不免而更伏之以暫定痰量於是風之侵犯者城要天晴鄉要雨投鼠忌器難之更難矣

而其疫病也皆風餘邪毒之干然人必先痰疫而有風疫至於事有非人力所防範者若厲風若獠犬若獠鼠若獠蚊若獠蠅若獠蛇疫爲一切穢腐性植物變疫動物變疫人類相率爲其摧殘可畏也瘡爲疫病之輕者瘡虐也疫役也

始傷於毛像繼延而傷及血像液像致使能子萎靡不能自守根本動

搖其固定痰量古所謂中風者是也

其實中暑中朔中濕中燥何莫非中風乎夫既傷害於風矣而痰量之在脈腺中者乃有破壞之痕跡謂之曰破傷風曰重傷風宜也

古人以爲中風有中痰中食中氣之別夫風中皆害痰量也知中痰而不知風傷痰量非全說也中食痰滯之而食不運也亦中痰也中氣血液減退而動機遲也均病痰也故我惟以痰論惟以風論

風痺者病於運動器能風癘者病於脊衝器能

基上種種理由定其律文如下

流行性感冒 春感濕秋感燥夏感暑冬感朔春引冬伏秋引夏伏

（附註）感濕者名濕瘟感燥者名燥瘟感暑者名暑瘟感朔者名朔瘟伏病名伏瘟

（衍義）言瘟病者病於體溫也此瘟統言一切溫非吳鞠通劉松峰吳又可所言之瘟也舊時之人以瘟爲疫失瘟病之義

有濕瘟性風痺有濕瘟性風癘有濕瘟性風疫有濕瘟性風瘡

有燥瘟性風痺有燥瘟性風癘有燥瘟性風疫有燥瘟性風瘡

有暑瘟性風痺有暑溫性風癘有暑瘟性風疫有暑瘟性風瘡

有朔瘟性風痺有朔瘟性風癘有朔瘟性風疫有朔瘟性風瘡

有伏瘟性風痺有伏瘟性風癘有伏瘟性風疫有伏瘟性風瘡

伏瘟有夏伏秋燥有冬伏春濕

療病章 療病低溫爲多有高溫者乃療瘟或療瘍合病也療瘟治瘟

療瘍治瘍療自復矣

療有肺療胃療脾療腸療脬療脊衝療之別言肺療則氣膈屬也言胃

療食管屬也言胃而另名之曰腸療者腸病或胃未病也言脾療者肝

腎之瘵屬也胆瘵亦屬也言腠瘵者應肺也言脊衝瘵者則心腦皆屬之本書之中凡可連類者連類之宜分說者分說之但求明瞭不事文章幸毋疑其定名之或遺或增也

肺瘵類

屬於氣管者 皆病毛毛莖或萎或瘳毛息或蔽或鬆氣管之局部炎痛亦毛息之痰量成之也

曰欬上氣 欬本見解行爲故非病態欬而上氣嗽欬也嚔之不降升之不提毛莖有病故不利呼吸

曰毛息臃 痰滯毛息不能汗洩

曰膈隙脈絡炎 氣管欬血嗽血也

曰膈隙腺絡炎 氣管咯痰出液也

血盛而溢行不由規血漬而臃臃甚而破

液盛而溢行不由規液滯而肥肥甚而破

氣管之嗽血色鮮性輕（入水浮）氣管之咯痰色綠性靱

屬於肺藏者 有毛像病有護腺護脈病有肺道病皆水氣病也

曰肺癢 肺水腫也又名胸水喘而肩息不得臥或爲喘汗痰湧白沫
聲嘶嘶然牙鳴如踞小兒名曰馬皮風又曰肺風痰喘今人謂之曰化
膿性肋膜炎

曰肺痿 皆護器之腺脉痿也痰臭且黃病於肺道爲多痰聲漉漉古
曰停水亦曰痰飲有游囊也停飲停於肺道留飲留於肺囊支飲爲氣
管炎語曰脾爲生痰之源其護器之絡源於脾破溢於肺者實歸咎於
脾也古人以爲氣實爲癢水實爲痿疑也夫癢是痿漸痿始亦癢也故
曰治痰先治痺癢痿皆肺痺耳痺則憊疲失司水氣之素性不能耐久
于是淡化以爲涎痰腺肥而且溢破始爲肺癢繼爲肺痿喘甚而哮張

氣眩口痰涎壅塞短促噴粗故肺痕肺痿之末期行爲爲蒙不爲厥爲脫不爲陷

肺病於腺爲痿也亦有病脈之痿者脈瘳而肺不用也非真痿也脈因脾石而肝腎之用不廣爲肺護絡之脉宣告緊束血瘳則護攝不周而肺之水氣不能一刻息于是水氣代血而強脈瘳則溢血水氣盛則痰泛近世所謂肺勞病是也爲水氣過勞血脈之不能攝護所致溢血與泛痰而同出此痰血之所以重也在痰出血有血絲也有血塊也有忿怒傷氣之溢血也有風餘着肺傷脈絡之溢血也忿怒傷氣之暴溢也着肺而傷脈嗽血也皆緣塵埃之着不能拂去漬於脈而脈瘳瘳而炎炎而破破而溢血暴吐者血得因體溫之熱度其凝溶破傷之處較易炎傷者其破傷之局部積久成瘡不易凝合也若肺癆病所以稱結核者爲其血熱凝合之際凝合不得其宜脈絡之破傷處發生贅高或者

重又干犯以致凝而不凝成爲瘡漏若徒尙形跡以爲核結是蟲積而以殺蟲爲治則蟲未殺而身先不存此蓋不知推源其血熱血寒之機舍之本而從之末逐以勞病爲絕症豈不枉耶

故曰肺癆者肺囊病

肺痿者肺脬道病

肺癆者肺脾道病

肺癰者瘍病也本章從略

肺癆治肺利其氣管之毛肺道之水下泄而上通則癆平

肺痿治胃語曰諸痿獨取陽明陽明胃也胃和而肺脬皆利執端而從中也

肺癆治脾者使脾用暢而肝腎亦暢得肝腎之波力不致約於一處

胃療類

屬於食管者 有食管毛病毛瘰則吐也毛痿矜拒也吐與反胃別矜拒與不思納別

食管局部炎痛 炎而泛噁痛則哽阻皆痰量招風旋於膈隙之上爲食道炎食道痛食道結節炎結節痛

屬於胃囊者 有毛病有護腺護脈病有食滯病

曰胃瘰 食中滿胃囊不清消化不利反胃作飽胃腕當心痛古書謂之曰結胸痰濕屯之風熱客之或易飽或善饑納穀不殺食慾不振各成其病也

曰胃呆 絨毛痿而不伸有謂胃中有癰瘍也或酒醜過度或烟膏鬱結皆所以爲胃呆之道也古曰癰氣夫何氣之足隔又曰關格夫何關之有格古之人以爲胃中虛客氣逆之故胃痿呆又曰食不入是有火也故大便閉以胃瘰爲胃熱以胃呆爲胃寒熱動也寒伏也瘰性爲動



痿性爲伏古之人治胃呆者以有唾無唾別其可治不可治誤也以余之見宜以渴飲不渴飲別之不宜以有唾無唾別之渴飲不渴飲胃行爲也有唾無唾脊衝行爲也今人之言曰胃呆者膽酸過苛也夫膽酸過苛善飢也不謹拒也此而謹拒非過苛也又見或能嘔血也以爲胃囊之護脉病瘀爲有濁血之漬故用瓜蒂赤小豆紅花之類使其瘀盡而復然血出而痿愈甚矣有人以其脊悶不暢呻吟嘆噫以爲有液臃也用木香吳萸香椽之屬美其名曰開胃夫開胃所以伸強胃毛若求責於燥烈之品則應效殊鮮然則胃呆之故究何所病一曰肝陽犯胃也肝陽者肝瘵也瘵犯脾脾更犯胃人胃究非馬胃何能反芻則其來犯之物質皆爲痰量痰量既增於是躍躍者欲冲之上泛泛者欲植其間以躍躍者謂曰氣衝以泛泛者謂曰濕阻想當然耳故氣衝濕阻並非胃呆條件（肝犯胃病怔忡之一也）二曰燥屎碍胃也燥屎在腸

不通於下必反之上卽不反上食亦不入夫燥屎所以不通者膀胱水氣不應小腸也或爲小腸病或爲膀胱病各因其所受無水氣之得通爲腸道病渴燥屎不得下古人以爲燥屎爲少涎唾所致蓋不能得小腸水氣也雖然燥屎旣滯於腸也縱有水氣不能解其燥結故治燥屎者宜於胆運發其苛潤方能於小腸利其水氣

曰胃癆 胃癆爲嘔血也胃囊護脉溢破故胃血非囊中有血也亦肝腎指揮下之脈血耳胃血入水卽沈紫而且黑紫者被胆糖加入也黑者被胆酸加入也嘔血之後皮色眇白或萎黃者胆酸膽糖因血出而亦貧其少也古人之言曰胃液少胃火旺胃液皆肝液也胃囊之護腺病矣則胃囊之護脈亦不馭古所謂中氣不足者卽動機上之腺脈不相馭也

故曰胃痕治胃也（小兒病乳與病食同）

胃呆治肝治胆治小腸也

胃癆治肝腎也

（附義）胃氣之說上卷已說明矣茲從略胃腕當心而痛卽胃
痕之變動也胃癰又名胃潰瘍另於瘍病說明

屬於腸病者 腸毛或瘞或痿

護腸腺脈或瘞或痿（腸壁約）

腸毛不利推蕩爲難毛息痰寒爲澄澈清冷毛息痰熱爲暴注下迫皆
不能任抗小腸之水氣來往也

澄冷者毛像瘞糞餘之水不能去之小腸糞欲之水不能求之小腸
暴迫者毛像痿糞餘之水任其泛濫糞欲之水聽其貢多

腸壁約者護腺護脈均因風着痰注起其結痂結瘻之賦形痰注重於
風着爲腸澀腺溢而爲白痢脈溢而紅痢今人以爲白痢是植物性蟲

蝕紅痢是動物性蟲蝕但知下痢爲不慎口腹所然而不知爲護腺護脈之溢未免缺憾也風重於痰爲滯下滯下之爲病卽腸風腸毒也其急性腸風又名血毒痢痰重於風爲腸澼澼澼而下不暢之形也爲裏急後重滯下者因滯而下爲先陳後導故滯下病亦名曰腸癆痰重爲痢風重爲癆痢有暑痢有寒痢有濕痢有燥痢固不必專指濕阻也腸癆有暑癆有寒癆有濕癆有燥癆固不必專指燥亂也痢兼高溫爲瘧瘟症也腸瘵兼瘟也噤口者腸瘵而兼胃瘵也痢而瘖啞者腸瘵而兼脊衝瘵也

脬瘵類

脬道上迎銜接肺道肺道病而脬道亦病故飲病者肺脬同病也脬囊病或脬道轉病或水氣滯病

脬囊亦有毛脬毛不利（或痿或瘰）脬受痰熱毛痿也脬受風寒毛

瘞也而脬間之水氣不能運動上病於肺側病於小腸小腸病而大腸亦病上文已述不贅言

脬毛痿者小便不禁遺尿也又名尿床脬毛瘞者小便約瘞閉也又名尿毒瘡吾人藉知膀胱之爲物有下口而無上口上口通於肺道俞井也（卽脬道）下口通於溺道竅穴也非無上口也上口開者下口閉下口開者上口閉不能同時並用此生理然也與喉咽之氣食二管不能同時並用皆具妙諦太西之用皮帶通尿是不依生理閉開規定而強使之出不僅傷其絨毛而脬藏之處常亦脫離其相當規則寧能稱爲得當

脬內之水氣築而不行脬間作病痛作蠕動（小兒脬風亦如之）而腹膨也而護腺肥也爲橫疝爲流注痰結也爲癢痛也爲尿道淋沃也（男濁女帶）（尿道與脊髓合腺）護絡脈裂則尿道洩血

脾瘵類

脾病於瘵有脾石有脾困脾石使肝腎之腺脈皆瘵脾困使肝腎之腺脈皆痿肝腎之腺脈皆瘵者在骨骼爲周痺在藏器爲代謝不良諸寒收引皆屬於腎諸瘵強直皆屬於肝統言肝腎皆可以爲強直收引也肝之腺脈上出於肺者肺受風秧而爲頭項強頭浮腫腎之腺脈下出於脬者脬受風秧而爲脚肚硬脚浮腫

肝之動機古人以爲肝氣腎之動機古人以爲腎氣胃脘痛曰肝氣疼帶腺瘵曰腎氣痛孰知大謬不然肝氣今知爲脊髓性病之煩悶也腎氣者今知爲風濕着於帶腺然也

肝指揮下之腺有併塊之舉動也爲痞爲癰腎指揮下之腺有併塊舉動也爲疝爲癥脈血之積爲肥氣爲賁息本書上卷已明言之矣

肝腎充血肝腎貧血肝腎充液肝腎貧液亦已詳述不勞重言聲明矣

肝藏病瘍腎藏病瘍另於瘍病述之

所以前古之世治腺之腫者瘕者以引導之法爲姜葱推拿爲梔醋蛋白之汲取（俗稱吊筋卽吊驚也）爲松墨塗貼沿之後世有膏藥之類（故搜風而用墨塗效應如神）

治脈之肥者約者以石爲砭以針爲灸皆所以排其毒盛利其機動也脾病病胆胆房之中苛潤不揚有二反應也

一曰瘡病 內藏腫外形腫皆胆病也古人有肺水腎水脾水心水諸說謂肺水曰肺之治節不行謂腎水曰腎者胃之關故聚水從其類也謂脾水曰脾之健運不利謂心水曰血之輪迴有妨諸說未嘗不可取特未澈底說明也九藏惟肺浮置水而腎脾心藏間何有水也故又曰腫不皆水病也有風腫有氣腫有水腫有熱腫有濕腫說理備且詳矣然皆非言其要今述其要

風客胆非胆直接受風也因肝腎之腺脈將經過胆房受其苛潤之時而血液間有風氣（卽風蟲也）之留着故寒熱濕燥胆皆受之於是苛潤之量爲不能保守其常不能自利焉能利他而肝腎受其不常態之苛潤素則血液之減退爲痰量宜矣夫胆之苛潤素於血爲榮於腺爲衛血不榮色素不振腺不衛容度不強內藏不能經常內藏腫外形不能經常外形腫內藏腫者所以使外形腫也肺水腫則胸膈俱膨脬水腫則腹肚皆臃頭浮者肺病也脚肥者脬病也然胃飽亦能腹大其形硬也拒按也脬腫之腹臃其形軟也不拒按也指按而有指痕者病腫也指按而無指痕者非病腫也胃飽也

故曰氣腫水腫惟肺脬乃論而腫病皆責於胆昔人且別爲上風下水備存一說非確論也又有所謂痰火癰者言痰重也血液之減退皆爲痰量腫爲痰病自無疑義腫病以臍突背平舌捲囊縮爲絕候有病中



發腫有病後發腫之別腫之兼發症爲疸病

二曰疸病 有重疸有輕疸昔人別爲陽疸陰疸穀疸女勞等名傷寒誤汗發爲疸病此一說也班黃蓄血蓄水乃成疸病此又一說也證以今義爲胆石胆汁少也確有至理夫苛潤之減退胆受痰量爲胆困而形瘡爲胆石故形疸也胆胃合病爲黃汗（穀疸）

胆肝胆腎合病爲病後壞血爲病後壞液爲萎黃爲血肺中白色球缺乏也爲枯黑爲液腺中紅色球缺乏也致於脈之充血貧血腺之充液貧液均不足病疸至於瘡疸併病亦有因胃垢不清妨碍苛潤妨碍胆利所致目黃身黃以及陰莖陰戶俱黃謂曰真疸目身陰三者有或不然黃謂曰假疸真疸重疸也假疸輕疸也至於面色眇白謂曰汗休病後未能復原調養自愈勿以疸病治之致其重有干傷反爲不救溫胆之藥橘絡蘇葉竹茹黑梔均爲上品若治枯黑例宜勝強血液姜附桂芍

均在用列

補充 以廣義言腫如瘍科之局部創腫如血蛭之流火腿腫（流火脚腫爲蛭吮所致農人每有此疾至酖於酒色之徒亦有流痼脚腫病不能與胛病之脚氣同論）與腫病異同之病則有瓜果食積之胃病大腹便便宜用只實厚樸以乾流攻固爲治又有腹膜炎單腹脹腫形蟲蠱腫水氣臌腫或以殺蟲爲本或以清濁爲治要別其所因而定其所宜

脊衝療類

脊衝腺也何必另類因人爲脊椎動物衝腺占重大位置故有述焉曰神昏病 香辛陶醉使脊髓硬化色眩迷離（如大雪等）使脊髓軟化言硬化不言痙變言軟化不言痿變所以標明脊髓硬化爲痙之初步軟化爲痿之初步由初步而進步皆所以引起痰量爲腺液之改

動也

夫神經之作用以肝腎腺脉爲之始以心腦爲之應以脊衝爲之歸經者常也往來經常則能子安居能子休息寐也能子作振寤也故胃施暢而肝腎足胃和臥安胃施不暢肝腎不足胃不和臥不安或竟不得眠

心腦之間血液凝而不應嚙也故以熱入心包（心包護絡之腺脈也）爲血量爲痰蒙

心腦之間血液約而不利爲悸宕爲善恐爲怔忡

曰解休病 人之肥瘠皆脊衝然也解休卽言瘠也（一）燦津胆道病胆道之淋（淋巴腺）應不充古名曰消渴消渴者燦津也有非飲水可解其渴宜救脊衝惟病脊衝故尿意頻多（二）尿糖古名曰膏淋是也所謂小便如膏右腎病也語曰中氣不足洩便爲變中氣者爲

脊衝間之動機而說

有燥津尿糖之異卽知有流涎遺精之異亦爲脊髓之病無疑矣流涎胆道痺而不約也遺精右腎痺而不約也見食而流涎見色而遺精孔子曰食色性也如是夫流涎有溢涎有滑涎有夢涎遺精有溢遺有滑遺有夢遺盛而溢生理然也非病也風熱痰濕上干津道夢涎也下干精道夢遺也夢本是脊衝行爲所以實現妄想也滑精滑涎均不治昔人以流涎爲脾虛遺精爲肝腎虛夢爲心腎不交於今得直截痛快謂之曰脊衝病故遺精之人不能仰臥仰臥則遺更多脊衝被壓所致流涎以臥爲甚亦此理耳

至於脊衝之上腺病鼻淵也脊衝之上脈病鼻衄（女子曰倒經）也脊衝之下腺病白濁也脊衝之下脈病尿血也

背爲脊衝之所在地故玉枕疽背發大瘡皆爲瘍病重症玉枕疽發背

瘡使非適當脊衝部位當亦無碍

基上種種理由爰定其律文如下

有肺療脬療併病

有胃療脾療併病

有胃療腸療併病

有脾療脊衝療併病

有肺療脬療胃療併病

因病瘟而病療者（丁例）因病療而病瘟者（甲例）則有

甲例肺療脬療併病

甲例胃療脾療併病

甲例胃療腸療併病

甲例脾療脊衝療併病



甲例肺癆肺癆胃癆併病

丁例肺癆肺癆併病

丁例胃癆脾癆併病

丁例胃癆腸癆併病

丁例脾癆脊衝癆併病

丁例肺癆肺癆胃癆併病

甲例者癆爲本病瘟爲副病因癆而病瘟治療而瘟自復

丁例者瘟爲本病癆爲副病因瘟而病癆治療而癆自愈

癆盛於痰瘟盛於風癆病腺脈瘟病毛像

瘟病病癆病之追加也如傷風不醒便成癆其一例也

癆病病瘟病之轉移也如剛瘧有汗柔瘧無汗有汗表解也無汗癆病

仍不得從瘟病而轉移也

追加之病重轉移之病或輕然亦有重者

瘍病章 有變釀潰瘍有注發創瘍有內因竅瘍

注發創瘍者有外瘍也肌肉墳起始炎繼續者是也爲疽（善攻頭）
爲癰爲叢發癩爲獨發疔爲贅發瘤爲細發瘻（瘰癧癭疔均屬也）
疽者阻也癰者臃也癩者節也疔者根也瘤者留也瘻者疊也發於頤
曰發頤發於背者曰發背遮於腮者遮腮纏於腰者腰纏爲各因其局
部之所在而定其名皆爲痰量所流注近脈者失營近腺者失衛
疽善攻頭也顧名思義可見其病矣夫外瘍之發多形奇數有二必有
三有四必有五或七或九從未有雙發也

外瘍之病以謹拒爲絕侯因來源告絕托毒無從也

注發創瘍有內瘍也爲腸癰爲胃潰瘍爲肺癰爲脬瘻

腸之所以癰爲脬氣阻也胃之所以潰瘍爲胆石不利潤苛也肺癰者

爲呼吸炭素太多也。脬瘦者如橫痃之腺炎如白濁之腺腐均是也。腸癰多則足胃潰瘍多。瑾拒肺癰多。肺萎肺痿者陽莖亦痿。陰戶亦冷。脬瘦者爲橫痃爲白濁。故治腸癰治脬也。治胃瘍治肝腎以強胆也。治肺癰治胃也。治脬瘦治肺也。腸癰治脬者牡丹大黃可與也。胃瘍治肝腎者當歸赤芍可與也。治肺癰治胃者芫花只實可與也。治脬瘦治肺者杏仁苡米可與也。均大法也。變而用之可也。

變釀潰瘍者病於胃肺脬爲多而肝腎爲其應也。我嘗於洗冤錄得貫通其說也。夫窒氣者肺有漬血點傷滯者胃有漬血點阻水者脬有漬血點潰而成點皆緣胃揮之汗不盡其量蘊釀以起霉點也。夫肝腎腺脈滿及全身痰量布殖惟腺脈是經。肺受熱矣。經肺腺者皆成痞。經肺脈者皆成疹。脬受寒矣。經脬腺者皆成天痘。經脬脈者皆成廣瘡。世所謂濕熱不得解寒濕不得解皆言其布殖痰量所然。故疹痞兼發者凶痘。

疹兼發者兩病肺腠也上受之熱而下受之寒不必同時感受而同時引發天痘出血者瀆腺兼以瀆脈也故凶廣瘡見膿漿者亦危脈病而兼腺病也痞疹回而毒未淨雖愈必發疹痘瘡回而毒未淨雖愈必發斑斑者結毒之謂也有天痘結毒有廣瘡結毒斑瘍易瘡故當清理胃囊古人之言曰非下不斑下之乃出下之所以舉斑也致於疹痞之後或發爲疖天痘廣瘡之後或發爲疽均意中事也疖病斑屬也疽病詳疽論

斑屬則雀斑白癩癬癩皆其別出者也

冬之龜手夏之痱子以及風疹塊水痘輕性發疹均可推詳之

斑病斑黃爲腺脈病而胆病相應然耳惟能清胃舉斑決無此弊

一說雀斑癩屑癬癩均風蟲之侵於皮膚所然然風蟲何以能侵占皮膚其腺脈之在內痰殖亦不可不明

雀斑爲沃菌着肺阻碍肌腠不得汗洩所成

癩屑爲沃菌之着於皮膚不卽拭去繁生叢集其妨害腺養則有白癩
妨害脉養則有紅癩（俗稱紫雲嵐）

癬癩皆疥疾也爲疥蟲叢集於腺脉之上爲白癬爲白癩爲紅癬爲紅
癩狐臭趾瘡均癩屬也

風疹塊爲痰量叢集絡道風應痰着而見塊形也

水痘與輕性疹同（風疹）爲肺腠淺量感受故隨發隨愈

疹子亦名痧子又名瘡子亦名痲子各地方言之不同也疹子者散如
細痧者是也堆積成片者名曰痲若爲先天性發痲病固定痰體也名
火痲亦曰赤遊生於面部者有之生於臀部者有之

天痘又名天瘡似同於霉毒疹（廣瘡）外發一點粒內亦發一點粒
較疹瘡爲大而其時効上之周期性又較長疹瘡之周期性以星期爲

大率天痘廣瘡以四星期爲大率

治法在上卷已有所述茲述其周期性也疹色紅痞色白痞發於胸膈項頸耳後爲齊候疹發於鼻尖胸膈臂尖手脚心爲齊候

發疹而周體皆全惟鼻尖無疹爲悶疹（若全體皆有惟面部不有謂之白面又曰加官痧子）不能謂齊候也如周體皆有應出之處皆潤綻輕候也雖不多無妨

高溫有汗不解耳尻鼻尖皆熱目如水潤面赤升火者爲欲出疹也如是者三日而疹不出出不快也或胃滯阻或肺氣阻所謂痰熱結痰寒結宜各因其所因而發之誤藥其所不當則爲厥深重爲脊髓痙（俗稱驚痧）苟其見有報點爲欲出之象一痙一透發毋懼如無報點爲不欲發出也宜視其所以而定其所安出透矣有汗高溫解爲齊也高溫未解痧回早隱也重出則安不重出則危透後七日仍不回爲回不

得也痰熱結痰寒結各因其所因以助之回後復見高溫因續感也不
以餘燄論自出齊以至回齊始終未解熱度者爲餘燄也痧後欬嗽痧
後殮拒痧尾之病繁多容續述焉

痞發於腺故以粘汗爲順有粘汗者足以載液粒粒如水晶挺綻者吉
其周期性一如疹象出不快早隱回不得均同惟痞之見象大概爲瘟
病之副象故曰副形性發痞（發疹傷寒）瘟病日久易有此病痞宜
齊不宜多多而不齊必重發一發再發謂之曰雲霞痞不足輕重也若
專治其痞反傷能子世有治瘟病者一見口渴唇燥卽予以金斛以爲
液養一誤以胃渴燥津耳用金斛以滋脊髓於是膏結不得解一口渴
唇燥正復腺盛於脈不能相孚所然乃重增腺臃而口渴唇燥愈甚矣
愈甚則愈用之多以爲金斛洵能治口渴者于是液道之清不能自復
發爲白痞在病體所以求解也世之醫生以爲白痞之托載皆金斛之

力也仍用金斛用無已而痞出亦無已能子幾何在血脈液腺之中不能得其安詳於是勞甚者萎靡老甚者衰頹久而久之復原難矣讀者識之其亦無違此言乎

痘以發熱四日報點四日呈漿四日收痂四日爲常率也發熱者卽高溫也高溫無汗甲錯目呆視耳尻皆冷者爲痘候也報痘先見頭面者吉先見四肢者凶節節之間皆發雙點爲痘齊也頭面無痘痰之熱量內結謂之曰悶痘痰之寒量內滯謂之曰伏痘痘不拘稀密而在能齊痘不喜肥大而在能綻漿足不壓足漿少者恐其倒壓也痘發要害者凶痘成堆積者重痘發要害足以痼其餘痘爲結毒痘痘成堆積如能發臭可救也痘出有汗而不常汗者吉有汗常也不常汗能節其量也痘出而目封者順目封則痘不入目也痘頂有黑色者痘疔也宜破去痘漿出水或出血出水液被痰量減退也出血犯脈腺也均不治痘痒

者痘出而新風旋之也痘痛者新痰欲來干也痂回不成者視其痰熱痰寒之量而因宜可也痘後各症俟下述

廣瘡又名霉毒何以成之忍精者爲橫痃爲白濁白沃之菌留於局部爲下疳下疳爲精毒爲便毒故疳蟲卽白沃菌也疳創名曰魚口像形也魚口不復則靡爛在男子病於陽莖女子病於陰唇毒溶於腺脈者發於皮膚爲瘡形似痘而分瓣若梅花故又曰梅毒所以然者白沃菌所具形如此也治廣瘡者如治斑亦如治痘始下之以冀其毒量一毒量亦痰毒也一輕也繼欲暢之冀其毒量出也除毒務盡可以移贈此病也瘡發不欲多而欲齊庶能免結毒之虞瘡發不在少而在綻綻則托毒易也謂之曰梅毒疹似疹也謂之曰瘡創也今治此病者有用砒素以爲血脈之鎮醇有用汞素以爲液腺之防腐消毒祛菌法至善也梅毒攻心毒養心也謂之曰毒性厥逆厥犯脊髓而昏迷毒犯肝腎爲

代謝回歸所謂毒性周痺者是也人以爲用汞砒引導到提之害汞砒皆石藥決無引導倒提之能也其爲梅毒性不盡除爲藥毒反應或者

有諸治此病者宜顧慮此點也
內因竅瘍在目曰視病在鼻曰嗅病在耳曰聽病在舌曰味病在喉曰

喉病在咽曰咽病在牙曰牙病在陰曰陰病在肛曰肛病
目病者眼瞼睛腫之病皆屬也夫眼之能視如電之有光能子借外象然也明而能映見而能寫寫映因其備具寫映之器具而以能子動之也曰遠視曰近視遠視古說責之無火近視古說責之無水疑也實因寫映之器具位置上差別耳故有近視遠視之分而其器具不差別者固視無遠近也

一曰砂眼椒瘡爲旋螺蟹珠之形今人用手術刮去非根治也蓋刮去則又生屢刮恐亦非宜耳聞之木賊草可治此病近視而兼砂眼者久

必成盲二曰星翳白障有珠痛腫散之別胥肉紅筋並是風熱目澀羞
明皆爲赤眼眼昏花者神不斂雞盲宿者（亦名雀目又名雞蒙）膏
液流外炎內炎在當區別青盲瞤眼分稱瞎明（瞤眼亦稱睫眼又名
睜眼）眼皮生癢（上眼丹而下偷針）眼皮生癬皆爲眼瘍爛眼皮
者係肝腺之鬱熱痘入眼者係邪毒之橫干迎風流淚治責於肺目封
畏光皆疹痘之象也古有五輪八廓之稱今略之

鼻司嗅覺香臭別也鼻塞者涎阻也神經香臭不覺者蓋久香而毛習
於香久臭而毛習於臭毛覺因習而變動未能一律論也鼻衄鼻淵（
鼻血卽到經鼻淵卽腦漏）同是脊髓之病鼻痔鼻癭（鼻痔卽鼻挺
鼻癭卽鼻菌）皆爲胥肉之成古人謂之髓溢非割可治姜汁可用也
久鼻塞（香臭不聞）名曰鼻訥不必治酒鼻則鼻紅氣築則鼻煽鼻
尖冷爲肺絕鼻毛漠有鼻瘡

耳有所聞聲浪傳之也而其耳閉不可以聽比與目盲不可以見同一原理或爲重聽或爲耳聾痰量上凌空竅所致也耳內腫耳腺炎也耳漏耳癢腐也耳痔耳瘡（耳菌耳挺）皆爲怒肉所成也耳出血任脉創也耳鳴響風漸動也暴病耳聾久病耳聾古有所別久病者習而難復暴病者啓蒙乃愈

舌病病胆也不病於心也膽道貫通於廉泉玉英卽舌下也口糜非小腸火也膽毒熱也舌苦者膽酸呈也舌甜者膽糖呈也苛甚而燥裂也潤甚而厚膩也膽熱舌絳膽寒舌白也舌乾痛脉裂翦血也蒲黃末治之舌痕腫腺肥而重木也舌菌口糜之餘毒也舌瘡潰腺而起泡也搯舌舌下牽引也雖名曰瘡其實是疔至於口穢痰氣也口臭胃瘍也然亦有痰濁肺瘍者小舌又名帝丁亦曰會厭司氣食兩管之開閉食管開者氣管閉氣管閉者食管開皆會壓之功也小舌（子舌）縮短則

氣食二管無所蔽爲脈腺瘰也其故有二焉爲毒性瘰爲邪性瘰語曰
三陰結爲喉痺喉痺小舌也雖三陰之說未足信喉痺爲小舌病可斷
言也（毒性熱甚邪性寒甚）

口腔炎疳病也爲唇疳（繭唇卽唇裂）故口腔與陰腔有同理也有
唇病上疳有陰病下疳下者爲右腎毒邪上者爲胆道毒邪口臭於舌
病已詳述矣流涎於瘰病脊髓中亦微有所示矣口吃爲痰量不利於
舌嘴歪爲腺脈之瘰口吃嘴歪世人以爲風蟲之侵亦非亦無理
至曰陰虛火旺陽虛氣弱陽亢陰熾陰盛陽衰之說以况舌病寔缺也
若舌翻蓮花等名目亦芟之

齒爲骨餘信論也通腺於任通脈於筋成人之牙卅二童年之牙廿八
上下門牙四虎牙生其旁焉牙中除虎牙直通腦器之總腺脈不能拔
去外餘均可拔去也觀於牙上之牙垢則知胃中亦有此胃垢牙垢最



易腐物人不知刷牙者牙易壞牙垢壞之也設此人消化不良胃酸之
用不足留牙垢以助胃垢未庶不足爲酸性之助牙病除蛀牙外皆牙
齲病也蛀牙因有蟲也風侵牙穴風蟲得人體溫度之濟變爲形蟲障
碍神經爲痛此風痛也苟牙無蛀孔牙間三絡爲痰量所乘此痰痛也
痰痛者息息陳痛牙齲無腫形（古說謂之陰虛火衰痛）風痛者牙
浮齲腫（古說謂之風火胃熱痛）至於風痰並客爲遮腮腫瘰爲齲
腺癢瘍（牙齲癰）（牙漏）病於腺者爲牙疳（崩沙）病於脉者
爲牙衄（牙宣）至於牙挺則爲重牙屬於髓溢胃熱則爲牙鳴屬於
蛔動

咽通於食管喉通於氣管總出於會厭之下會厭之下名曰胡龍胡龍
二旁名曰腭門腭門與會厭相抵觸借母舌以壓迫外間空氣阻雷以
爲聲母（雷寒熱之搏蕩也）阻電以爲音子（電濕燥相揮揚也）

雷波電浪聲氣相應吾人執藤鞭以揮空氣甩甩有聲此雷電之力也故腭門又曰嗓門瘖瘖病於嗓門也瘖係暫瘖失音也啞乃久啞說不出也啞或屬於天賦瘖皆病態有風瘖有痰瘖風瘖者有熱寒濕燥之分痰瘖亦有熱寒濕燥之分風着於嗓門間之脈腺痰結於嗓門間之脈腺古所謂熱干舌本寒干舌本等說宜於肺胃分別求之至於言蹇多不治有風閉有痰閉亦宜別四量曰喉風病於風也曰喉蛾病於痰也喉風病肺多發疹（猩紅熱）爲嗓門或子舌發紅色紫色者是也喉蛾病胃多發癍（白喉）爲嗓門或子舌發白色白腐是也喉蛾又名扁桃腺炎（結核）喉風又名節性加答兒（結瘻）爲氣管間之毛傷致皮膜擦破結成翳也故鼻塞亦名鼻加答兒（瘟病喉風療病喉蛾瘟病暴瘖產婦暴瘖容當於病名列表篇述之兼喉病而發者有口腔炎之口糜有氣管炎之欬喘有食道炎呃忒綜言之喉風者喉

腫也喉蛾者喉腐也有欲腐先腫有欲腫先腐此認識之道須於各種證因參酌不可但尙孤證一例概論喉風總腫也（故曰纏喉風）總腫或略腐也喉蛾有單發雙發爲固定痰體之伏發故以喉風爲暫時的喉蛾爲永久的設喉蛾而不能盡量消毒則必歷年歷時如春草之又生因其腺脈之上生有脗也夫口糜喉腐同爲霉性菌點此泰西以爲微生物病非無據也惟喉風爲風毒喉蛾爲痰毒則不可不明一以微生物例之似無標準其治也謂喉風曰爛喉（易混白喉）曰紅痧（喉風不皆出疹）均非根切之論適所以滋疑後學喉癰喉病癰也喉癰喉病癰也梅核氣病於氣管結核病也氣管結核妨碍食管非食管自病也或以梅核氣卽隔氣夫隔氣之名是否成立於病理學上卽其氣管結核不能與食管相混苟誤治食管每鮮成效名曰梅核氣核形如梅瓣氣管病也古有中弩之毒見血封喉痰毒封於氣管也卽病

於急性梅毒氣卽人之死焉無論何病皆死於急性梅毒氣

下竅病男子曰陽莖女子曰陰戶夫垂垂之外有懸懸者名曰卵囊徑
徑之中有空空者名曰膾宮男子病卵囊（俗名卵袋）猶女子病膾
宮（俗名子宮）陽莖痿者伸而不勁流而不射（雞精）膾宮冷者
弛而不約痺而癩墮陽莖瘞者痰熱易舉痰寒陽縮膾宮瘞者痰熱陰
挺痰寒痕痛夫風漸爲痒痒也穢着爲炎炎也脫陽陰易皆是脈腺脫
繫石女處男俱爲生理不足白淫白沃（男濁而女帶）同是腺淋洩
血溺血都是脈變已於睟病脊衝病中分別詳之矣至婦女之月經問
題男女之生殖問題則另篇出之

大腸之頭謂曰肛門（魄門幽門）肛門之病亦病於毒邪痰量血毒
血結痰痰量液毒液結痰痰量血邪血結瘰（加答兒）痰量液邪液
結瘰（加答兒）腸病姑略但言肛病（闌尾炎）古書所謂痔病者

是也內痔侍於肛內（盲痔）外痔侍於肛外（血痔）痛爲腺脈之
瘻癢爲風痰之旋膿病於腺血病於脈成痔之由或爲便澀努力肛脫
翻花所謂脈腺不繫也故痢後肛墜每多此病昔人以爲氣虛血毒濕
熱下注人類十有九痔體力強則歇體力弱則發旨哉此言氣虛動機
不孚也肛門乃下極之地脈腺經流有不能依時代謝而血毒而濕注
惟痰然耳痔久則腺脈成爲瘡漏排便難滋水出若乃見痔有瘦形以
爲可割而去也割去則又生見痔有腫容以爲可枯而消也消亦不盡
散未根治其痰毒痰邪是術等妄施也坐板瘡篡懸癰蝕糞癩（偷糞
老鼠）皆爲近肛之病或病於皮內絡或病於肉內腠均可於其腺脉
治之

綜上瘍病或內瘍或外瘍或潰瘍或創瘍或竅瘍茲定其律文如下

有內瘍外瘍兼病者（如肛疽兼腸癰發背兼肺癰）

有潰瘍創瘍兼病者（痘疔廣瘡結毒）

有竅瘍潰瘍兼病者（如喉痧）

有乙例之瘰引瘍發病（如陰瘡如馬刀如俠瘦）

有丙例之瘟引瘍發病（瘟病發瘍者均是也）

有戊例之瘍引瘟發病（瘍病有高溫者均是也）

有己例之瘍引瘰發病（如瘡痂如瘍怯）

瘍病有名留注者流而注也非留注也瘍病有名留火者留而痂也非留火也瘍病之名發者蘊瘟而外發必兼瘟像瘍病之名痂者因瘰而內痂必兼瘰像

（總補充）讀傷寒論至小青龍證心下有水氣欬而微喘句幾疑心有水氣矣夫心下肺也水氣肺之水氣也不曰肺水氣而曰心下有水氣隱度令人疑我惡其文讀內經至腎者胃之關聚水而從其類也幾

疑胃腎皆有水夫關云者腎胃之腺脈不利關約其間則脬藏之護絡皆受若殃故聚水從類者脬水之泛濫也轉展始明其理亦滋令人想像耳我惡其書其文其書雖昭我之處甚多而其章句之不澈底如讀易如問卜未免引憾耳垂於後世人各其所識以爲疏註致使議論多而事實少惜哉

熱而曰暍也寒而曰伏也痰而曰結也風而曰傷也中也水氣而曰蓄也血液而曰瘞也痿也所謂皆受之也仲景書上實發其凡今人不舉其大者而擴充之乃徒拘拘於筆法之間何其見之不廣耶

曰飡泄曰鼻漉曰出圜皆所以明大便薄也曰清冷明痰寒也曰下迫明痰熱也本書已述之矣飡泄所以明水穀之不化也他時有腎泄脾泄之別脾約不能化純腸亦不能下糞小腸約不能化水腸亦不能下糞糞此腹鞭腹有燥屎爲脾約爲小腸約也使脾痺而小腸痺矣則所

謂脾泄腎泄者是也今統名之殮泄夫鳧溏小兒之殮泄也出圍瘟病中殮泄也各名而實一病殮泄爲腸瘵中一種（俗稱子午瀉五更瀉）在內經又曰痼瘵瘵病鳧溏者（俗稱慢驚）腸瘵而兼脊衝瘵也爲瘟引瘵症痛瘵或爲痢疾或爲痼病皆痰病也難經以爲濕多成五積濕所以明痰濕也積水谷相加（故曰水瀉）滯而不滯故瘵耳瘵病以魚膠屋漏之狀爲絕證魚膠腺敗而不能復也屋漏下純而不下滓也世之有烟癮者每苦不得大便胃滓多而純少也蓋人所食之物皆爲烟膏之烈性凌犯使物質所具細胞消耗殆盡化滓不化純也久而久之自然力弱而烟助力強脾少純求貢益急於是不擇其純否凡有流質皆被脾收於是腸屎皆燥因小腸亦求脬之供腸脬間究遠也故雖潤不暢（以上各節可知烟客之所以瘦所以不得睡瘦脾肝腎三者病也不得睡胃不和也）設使小腸受脬之多量汎濫而及於大



腸矣爲烟漏當治在脬不當治胃

厥與瘧非一病也瘧脈腺之行爲也厥心腦脊衝之能力也瘧變則厥繼至熱深者厥亦深風淫末疾手足皆冷病因於風也牽引拘攣一瘵瘵一瘵象也至於瘧疾之顫振非厥也肺胃毛像之相旋也減退者爲痰故無痰不成瘧有痰而食亦滯也致眼珠上翻一載眼直視一厥也胃有形蟲一食癆一肺有形蟲一尸癆一脬有形蟲一蟲癆一皆可病厥厥者假死也至瞳神放大脫也非厥也宜別之蓋厥者僅痰蒙而血暈風乘而液變耳故小兒曰天吊曰臍風老人曰閉氣曰中痰其爲脊衝結膜炎病明甚矣然肝腎瘵變爲周痺脊髓瘵變爲昏迷瘵甚者爲脫力脫脈脫腺均動機脫繫也脫血脫液屬之一脫陽亡陰一語曰春爲首疾其腦脊髓病之流乎故其瘵變也爲失表之潤所謂表氣不足中氣乃陷爲此病言也

難經有陽狂陰癲之名精神病也失心病也心神經結膜炎也故古名曰癩癩者間隔也心神經有間隔也膜愈結而愈硬間隔愈甚名曰炎證病明其病性然也又名舞蹈病跳舞風因其病之表現而名之也瘋而兼疹則曰痲瘋亦名曰痴痴惑於知而成於疑急性者歌唱做作若被神附慢性者哭笑沈默如有所欲如其發作無常爲永替癩症發作有時爲間歇癩症有日作間歇癩有月作間歇癩有年作間歇癩有一日數作一月數作有一年數作間歇癩永替癩症只病心腦間歇癩症病心腦兼病脊衝肺翼者心心神經結膜而肺藏之間生有瘡漏故其發作之時必吐白沫繼乃變瘰甚且昏迷（不省人事）而永替癩症則無也癩症之發男子以手淫過戕所致女子以月經期間不能節制所致雖病發之輕重有次而其爲藏燥則一也藏燥爲癩之漸藏燥則膜結膜結則肺之瘡漏成故有永替癩暫愈而爲間歇癩者此非病之

轉移乃病之追加也復次須一究其心神經結膜之故風屬之中自有風狂蟲也人在處常自能調節取舍而乃不知調節喜怒不常則風狂蟲投其所好始病肺胃之痰量繼則延及肝腎肝腎不能抵抗入於心腦病於心腦之間爲永替癩而其風量較重於痰量不以心腦神經爲目的點一往而直達脊衝追加間歇癩諺所謂痰迷清竅語切且當夫其惑於知而成於疑則以聲聞而更疑之則以色見而更惑之以改輕風狂蟲之生殖以發旺血液痰之波動一以製造環境一以調和營養氣藥以爲肺睥之治味藥以脾胃之治風痰皆平癩亦無從間之矣藏燥者淺性癩症也或不寐或神怯或健忘或憔悴耳鳴心悸夢多肢冷西名文化病也（歇斯的里亞）其病原有二（一）爲肝腎內分泌衰弱（一）爲脊衝用量太多皆早衰之象也曰痰風曰痰火皆此病昔人以淋濁異治蓋以淋爲一病濁爲一病誤也濁以淋爲行爲淋以

濁爲物質淋濁合稱名詞始能成立濁腺液之變也非尿性也故淋濁與尿糖別淋淋漓也濁重濁也女子之帶下男子之帶下均是也帶者帶腺病也內經謂之白沃女子無論爲子宮炎爲卵袋腺炎爲膾壁腺炎爲脬器攝護腺炎統領此各腺者皆帶腺也男子無論爲睪丸炎爲尿道腺炎爲脬攝護腺炎統領此各腺者亦皆帶脈也故均以帶名之夫其下元之地何由而風着也交構不以正（不潔）忍精者結精而腺腫爲橫痃夫何由而痰結也忿氣則痰結痰結則腺腫故思慮過度亦有此病濕熱下注亦有此病突然驚懼亦有此病女子白赤帶者腺病而脈亦病也男子赤白帶者腺病而脈亦病也黃帶白之加增也紫帶赤之加增也故治此病當視其受因爲痰結招風爲風着成痰輕重之性可立辯也風着者當治其局部炎痰結者當利其脈腺肥風着之病多眼花痰結之病多疝賁溲頻者帶欲來也尿絲者帶欲止也俗謂



之白毒病亦有至理凡患此症男子則慾旺易舉女子則陰唇紅熱或
內刺痛或內感癢屬於帶病之附發條件或爲囊腫（繡球風）或爲
陰虱帶病之根治期以百日爲限百日不愈必爲間歇之勞淋（老帶
也）（慢性淋病）勞則發不勞則歇男女有一病此則其生殖之子
女在養育期間必多瘵厥（俗名驚風）而且不壽所謂膏淋者帶液
如膏涓滴不易下所謂沙淋帶液雜純而下也石淋者併塊不得下女
子以陰戶暢故不爲病男子以陽莖狹故其病較甚血淋兼病脈上已
述矣

疝症（帶病之同發證）皆可以橫痃名之狐疝風重於痰故其作歇
無常癩疝腺癩而不用故多瘵閉若夫父母遺傳之偏墜生理然也不
得謂之疝證非遺傳之偏墜爲辜丸腫昔人以爲寒熱之氣襲入蓋風
病病痰亦腺病也

男女之有淋帶病者必脚軟骨痿息微少神甚且萎黃黧黑心煩意墮蓋腺與脈爲全身之經緯動力仰其繫維腺而有病則爲周身之不適當亦其應有現象敲骨剝髓爲可懼也

涕有清黃尿有清黃清甚而白黃甚而赤肺因脊髓而有涕腭因脊髓而有尿涕水氣也尿水氣也周身所發者爲汗汗爲血蒸乎爲液乎不敢臆斷然爲硫酸體則可知也夫骨蒸熱者胃燄襲入骨骼之中骨骼無腠理不能外達宜外象加增則骨骼中之餘燄方能洩透夫溫度以高低爲標準也高溫者必一切血液皆感其亢進低溫者必一切血液皆感其遲緩此骨蒸熱者似高溫而非高溫似低溫亦非低溫或朝盛而暮平或暮盛而朝平所謂潮熱者是也在小兒發育時期每有其現象設無其象卽爲生理不全或生理妨碍如（童女經踞）（出牙發燒）均是也

女子二七而天癸至此常度也乃因痰熱而消耗血量乃因痰寒而潛伏血量於是月經應潮而不潮或潮後繼停或始終未潮當視其有無痰風之量視其安適與否康健與否而定其是否爲病理亦推有無潮熱爲標準

動則汗汗則喘汗出如漿如油此脈腺欲脫繫也汗而喘肝腎肺三病也汗出如漿如油內外毛息均鬆疏真液不及變汗而發揮也故失汗者多病瘠（亡陽）盜汗心病也自汗胃病也病心病於近心之腺也胃病於近胃之腺也

婦女產後有三衝之說所謂衝者或熱入之或寒潛之或濕困之或燥客之上衝肺中衝胃下衝脬也衝肺者欬衝胃者便泄或竟便秘食不下衝脬者小便窒不得洩（附有聲明者古之所謂泄言大腸也古之所謂洩言小腸也小腸迎合大腸泄也大腸迎合小腸洩也大腸泄殮

泄也小腸洩滯通而無病也今之談醫學者宜於此泄洩有所分別
（汗名曰宣不得謂之汗洩也）昔之人以衝爲犯於血室室者適也
血室液腺也非脈也所以衝之甚者爲昏迷不省人三衝之事末期仍
是脊衝病故曰衝惟其事前期有痰量犯胃犯肺犯脬之別耳

無痰無風不成痢無風無痰不成瘡其積滯者痰爲之積滯也其阻遏
者風爲之阻遏也皆食道病痢病於腸道瘡病於食管故痢治腸壁瘡
治募原腸壁腸道也募原食道也（痢病蠅瘡病蚊備存一說）痢爲
疫瘵瘡爲疫瘟痢見高溫卽瘟瘵併病有瘟引瘵者治高溫而不必治
痢有瘵引瘟者治痢而不必治高溫瘡病亦有兼痢者疫瘟疫瘵併病
治療頗難

曰疝曰癆惟肝腎乃論若肺癆脾疝亦均肝腎病耳腺之不利曰疝脈
之不利曰癆脾肺一切之腺脈皆肝腎之腺脈也腺疝矣脈癆矣皆結

凝也結凝腺脈之上病贅肉也或以爲十六歲以下爲疝十七歲以病爲癆未必盡然蓋十六歲以下腺病爲多而脈病似少十六歲以上脈病爲多而腺病似少在胃腺爲胃疝在肺腺爲肺疝在脬腺爲脬疝腺在脾爲脾疝脈在肺爲肺癆脈在胃爲胃癆脈在脬爲脬癆或瘰而癆或痿而癆或瘰而疝或痿而疝所謂瘰者寒收引也痿者熱伸弛也一寒一熱則見其有餘不足之賦形矣



病名列表

人體隨時隨地有疾病之可能病名豪繁有如廿四史無從說起之憾茲姑以痕瘡瘡疲癩瘡癩痺痢疝瘕癰疔瘤疽癰廿類互相引證而以瘟瘵瘍爲之總納也

瘡於外痕於內癩爲欬變瘡爲失音癰痺中國醫書皆名之曰瘋今別而名之所以昭認識也痢者不利也疝者瀉下也瘕者所以正急驚慢驚之誤餘則顧名思義不煩贅述

痕 瘟曰悶痕瘵曰閉痕瘍曰鬱痕

瘡 瘟曰浮瘡瘵曰痕瘡瘍曰創瘡

瘡 瘟曰休瘡瘵曰怯瘡瘍曰約瘡

疲 瘟曰煩疲瘵曰懸疲瘍曰犯疲

癩 瘟曰窒癩瘵曰喘癩哮屬也瘍曰燄癩癩與嗽別也



疔	疔是瘍病瘟曰疔毒瘵曰疔痼
瘡	瘡是瘍病瘟曰餘瘡瘵曰見瘡
疹	疹是瘍病瘟曰表疹瘵曰兼疹
癩	癩是瘵病瘟曰移癩瘍曰瘍痼
疖	疖是瘵病瘟曰移癩瘍曰疖發
癰	癰曰見癰瘵曰癰癢瘍曰毒癰
癩	癩曰厥癩瘵曰約癩瘍曰痛癩
疔	疔曰痼癩瘵曰泄殮瘍曰下疔
痢	痢曰迫痢瘵曰痰痢瘍曰兼痢
痺	痺曰麻痺瘵曰筋痺瘍曰腫痺
癰	癰曰炎癰瘵曰燥癰瘍缺
瘡	瘡曰遏瘡瘵曰痺瘡瘍曰毒瘡

瘤 瘤是瘍病瘟曰浮瘤瘍曰丘瘤疝病屬也

疽 疽是瘍病瘟曰作疽瘵曰陰隲

癰 癰是瘍病瘟曰餘癰瘵曰解癰

余定以上各名或有所據或採自他書或本一己心得而定勿謂泛談也致於疫癘者風能力也瘞瘵者痰行爲也皆動詞而非病名本篇所以不述者非遺也

瘟病頭痕者項強几几昏眩不甯病名曰頭暈體幹痕者周體痕而兼痛名曰體疼腹痕者胃有滯阻名曰腹痕四肢痕者因有所鬱或欲發瘍也頭暈者傷於風熱爲多體疼者傷於風濕爲多腹痕者傷於風寒爲多四肢痕者濕漸而燥乘之也故瘟痕者悶痕也

瘵病頭痕者俗名曰頭風有偏正之別風傷於任腺痰量也痕而且痛痛甚如破有形蟲痕痛有熱痕痛有濕痕痛至於虛痕痛我未信之體

幹瘰者爲欲發腫也局部選瘰欲發瘡也腹瘰則胃腎膀胱有病也四肢瘰者欲發腫也局部選瘰欲發瘡也故瘰瘰者閉瘰也

瘰病頭瘰者鬱毒上蒙也於體幹於中腹於四肢或周着瘰痰甚於風也或行着瘰風甚於痰也所謂鬱毒痰甚風甚也局部選瘰腫之先導也故瘰瘰者鬱瘰也

瘟性頭腫名雷頭風又名大頭瘟揚瘰而爲浮也消風化痰治之瘰腫萎黃並見名曰黃胖病鰲黑並見名曰黑死病大腹膨腫柔不拒按腹膜風炎剛而拒按胃囊不清少腹腫水氣滿也爲小便秘而不通手肢腫風病於肺脛腫（風濕病）脚腫（脚氣病）風寒襲腠因腺脈而欲上犯肺也故瘟瘰者皆浮瘰也

瘰病頭瘰肺之動力痿也血液不能榮衛於至高之地脊衝已病其瘰無痛苦天柱骨倒面色眊白危絕不救體幹瘰者肝腎之腺脈肥內形

而形之外也。臑病又名單腹脹。瘰疬。胃腸有形蟲也。浮水氣肥也。四柱一肢一腫痛者風痺病也。病後周腫腫而不痛不必治。能子復原自能恢復。跣腫脚底腫中藥毒也不可治。久病必死。故瘰腫者皆瘰疬也。昔人論腫有上風下水之說。偏論也。夫病皆傷於風痰液腺血脈不得周轉。小兒瓜果積胃發生蟲蝕。以致血液呆停。爲肝疳爲腎疳。當利脾運以生肝腎。故但治胃無効也。腫有不形外而但形於內者。或肺腫或胃腫。或爲浮腫。或心神經腫。或腦神經腫。或脊髓神經腫。瘰疬病蓋多矣。瘰病而頭瘰毒發瘰也。治等大頭瘰。然亦有頭部各處欲發瘰病而先爲頭瘰之形者。有疔瘰有痘瘰有瘡瘰。凡見頭瘰之瘰病必爲火丹赤遊之屬。而疽癰癬疥不爲瘰也。宜清震湯瘰病體瘰除內瘰外未之見也。有之與風瘟浮腫併發。設其四肢少腹下腹背膺局部選腫皆創腫也。爲欲發瘰也。



瘍病創腫爲第一期潰破爲第二期生新爲第三期

瘡病多甲錯如疫後如瘡後如久病後皆能成瘡瘟病見休瘡以疫瘡病後爲多蓋腺液脈血經消耗之過程皆宣告緊縮也瘡病亦以久病後或消渴或失精之人爲多瘡而形神相孚不必治能恢復瘡而形神不相馭雖治無效瘍瘡爲毒痼所然故曰約瘡如瘍病而突然體瘦者不治液血消耗過度也內瘍病每每有此見象瘍病而其發瘍之處局部選瘡如鶴膝風痰流注痰結核等初病治等風痺久病無治蓋膏腴傷失其瘡處生瘡漏專爲瘍病漏危矣如器之壞如石之破不可治補也如其僅於創腫之處見瘡爲濃乾烙（窩膿乾）也活血和液治之瘟病煩病者蓋風量擾於中痰量築其間爲困倦爲腕悶爲瞶鬱爲直喊爲息微爲氣怯爲憔悴

瘡病懸疲者爲視聽不聰爲記憶衰弱（健忘）爲思想遲鈍爲意志

消極爲精力不振爲色素減退爲耳鳴心悸爲脚軟骨痠爲遺精多夢
爲臥不安爲納不馨

瘍病犯疲者爲形瘦骨立爲脚軟骨痠爲脫力勞倦爲腫痛不寤名之
曰犯疲者有所犯而使其疲也

癥病之於瘟也爲窒癥欬而不暢有聲無痰呼吸不利氣息短促爲水
喘爲氣喘久癥傷絡者有風寒有痰熱有痰寒有風熱有秋燥令人癥
欬有春濕令人癥欬癥甚者面赤癥而不復者聲嘶昔人所謂腎欬脾
欬皆言癥咳也病於肺轉展病於脾腎也欬本見解行爲非病也惟癥
乃病故修正以癥以爲病名小兒之百日欬疫嗽也（頓嗽）婦女之
子嗽胎息犯肺病也夫其病灶於氣管爲氣管炎氣管之毛不用也因
而嗽血爲管道之絡破溢耳延以傷肺且爲癆瘍病

癥病之於癆也有腎癥有脾癥有肝癥癆嗽皆喘哮之屬也仲景所謂



痰飲病病肺兼病肺也肺肺之脈腺一本肝腎所自出肝腎本脾所出故有上論如肺痕滿喘也肺痿頓哮也說詳律病篇

癥病之於瘍也皆爲瘍瘵或瘍瘵併症毒燄擾肺乃有癥耳

瘵瘵曰遏者風遏痰量也或痰量爲熱風寒遏之或痰量爲濕風燥遏之嗓門不利瘵也喉頭病結瘵（加答兒）雖能假外之聲不能出內之音病於音故曰瘵致於不語者禁於嗓門也言蹇者瘵於嗓門也瘵病暴瘵孕婦子瘵或毒邪上蒙或胎息上阻有由然也

瘵瘵曰痺者爲喉痺也或爲喉癰或爲喉菌脈腺不呈用而爲痺痺故瘵也

瘍瘵曰毒者如痘毒癩喉瘡毒癩喉一切瘍毒癩喉均是也

癩病者炎癩也如濕瘵之後餘性留戀易呈閒歇癩人皆以癩病治之誤也瘵病癩症舉此一例而概其他

瘵病燥痛曰藏燥曰間歇痛曰永替痛皆詳律病篇

瘟見麻痺者如風癘麻痺其內運動器之腺脈也如風痺麻痺其外運動器之腺脈也內運動器九藏也外運動器四肢體幹也有行痺有周痺惟脈腺爲病

瘵見筋痺者瘍見腫痺者無不因着風結痰爲內形筋痺筋之收引弛放不利也爲外形腫痺毒性犯腺脈也如喉痺如骨痿（骨膈風）如毒流痼如痰流注（如失榮如鶴膝）均是也

痺於內形者爲腸痺爲胃痺爲肺痺腸痺痢也胃痺不納也肺痺臃飲也故曰治痺皆治痰也

瘟痢者迫熱迫寒而然也風熱迫痰寒風寒迫痰熱或爲醇性糟粕痢（噤口不納）或爲桿菌性侮米巴痢（休息痢）或爲頑固性熱毒痢有高溫者知痢爲瘟發也語曰痢無止法無積不成痢然而所食幾



何所出幾何以之相較知痢之不盡爲食滯也明矣爲腸壁生瘍腺液經醇性破溢故所下者白脈血經醇性溢破故所下者紅而其不經醇性而下之痢是頑固血毒而爲形蟲蝕腸然也痢與疰別因痢下有裏急後重也

療痢無高溫非醇性也丹皮生姜大黃之屬可與也若用只朮檳榔黃連葛根之藥腸未暢而胃先敗蓋腸間無實質可攻也痢而瑾拒也危矣消耗與生補供求不相應也痢病宜服流質之物如葡萄糖牛乳之屬使其接輸

瘍痢者非瘍病能爲痢疾也蓋痢病兼瘍如痔病有便血腸紅（腸風腸毒）舉凡一切與痢近似之屬均是也

瘟疰之病爲暴注下迫爲澄澈清冷皆曰痢泄病於風寒痰熱風熱痰寒之積惟因其積所以其疰也然而水土不服亦可以病疰脾不進純

亦可病瘵小兒病進納非時則瘵也小兒病妬忌他人（白虎）則瘵也此二者均係瘵病殮瘵故年老之五更瀉病（脾泄腎泄）均殮泄屬也餘如疝癆之病見殮泄爲絕候也瘍病下瘵爲消毒之好現象然於不需要時有之如痘方布點則倒陷疽方提毒則失鋒亦非宜也
瘟病見瘵象爲失表症脊髓之神經變瘵也心腦厥逆者爲直視露睛（天吊急驚痰閉）脊髓結瘵者爲角弓反張故曰厥瘵
瘵病見瘵象爲失調症肝腎脈腺受約爲胸痺胸痺不已爲心腦厥逆爲脊髓結瘵惟然昔人以厥病屬肝未全其說葉香巖謂逆傳心包心包者肝腎指揮下之腺絡脈絡也
瘍痛則厥厥而瘵其宜然也諸痛癢創皆屬於心瘍瘵故曰痛瘵
瘵者約也瘟爲寒瘵者風干腠而腠不利也瘵爲痼瘵瘍瘵爲毒痼顧名可以思其義矣瘵病皆病腠

療疔兼瘟者疔病併瘟病發也治瘟碍疔治疔碍瘟可慮也其治要當於血脈知所保守則瘟病自復致於瘍發疔者上曰口疔牙疔下曰魚口疔毒皆病於腺故爲疔瘍也

療癆而病於瘟也謂之曰移癆疔腺病也癆脈病也故治癆者宜守護其腺以生強其脈其病瘟自復蓋今之言癆病者曰肺癆曰腎癆曰脾癆曰肝癆以爲虛損病矣於是加其名曰飛尸曰魄風而不一究其所以爲癆之故皆緣風餘着於各藏絡脈之上因痰量之積所謂結核性也譬如風着於物勿以拂拭去之而以張蓋厭飾之如今人之用沙參桑皮之屬白部白芨之類麥冬阿膠之流是膠固其着又何美其治也抑今所謂癆者皆傷風不醒之流其見瘟而不治瘟徒用功夫於癆象之上我未見其可也故曰見療見瘟者治瘟可以生療也見瘟見瘍者治瘟可以生瘍也見療瘍者治療兼治瘍也瘍痼爲癆如瘡怯如痧癆

者方治癆蓋移轉爲瘵病病竈也

疹是瘍病在瘟表見爲多在瘵兼呈爲少如瘡（痲子痧子）色紅如痞色白如疔有暈（赤遊生於面部臀部又名火丹蛇丹）如痒（癩一佈密一生於面部手部暑痒也又熱痒亦名面皰）內之腺脈漬點外之肌腠見形而梅毒疹天痘皆爲疹兼瘡形也

瘡瘍之屬如天泡瘡黃水瘡水痘瘡楊毒瘡天痘瘡妬乳瘡坐背瘡賺風瘡（裙帶）繭唇瘡羊鬚瘡刀瘡椒瘡凍瘡肥瘡漆瘡之類瘡而癩卽爲瘟引瘡瘡而瘻卽爲瘵引瘡乳癩熱癩暑癩者皆瘟餘之毒也癩肥於瘡勿論大小出膿就好蓋癰屬也瘻爲疥屬如痧疥如疥癬如禿頭癬如金錢癬如蛇疔如陰癬如項癬如牛皮癬如癩皮癬如紅絲纏如瓜藤纏如眉癬如頑血癬如天蛇癬如楊梅癬如荷葉癬如燥濕等各癬

各癬

疔瘍也有發高溫者疔毒不能托載也或走入於內以爲毒養心（走黃）瘰癧厥逆危於頃刻此瘍引瘟也設使疔愈而毒未消盡致使胃納不開身體日弱謂曰疔癩瘍引瘰也疔似疽而石硬痕壑發於高骨之上無好疔疔不待其熟卽宜破之有水毒疔有指頭疔有顙骨疔有虎鬚疔有反唇疔有紅絲疔有閉口疔種種名目宜拔疔毒而不爲疔隴斯可矣疔雖單發而癩毒甚深有出天痘而見痘疔者此疔一出而各痘皆癩故宜用銀針挑去用胭脂塗呈乃爲上妙然痘疔之發舌下有疔者陽莖陰戶必有疔腋下疔者腿脛必有疔此中國醫籍上經驗之談非泛泛而說也

癩是瘍病古人名曰髓溢在鼻有鼻癩在耳有耳癩在牙有牙癩在項有項癩在頤有頤癩癩爲贅物滋可惡也大者曰癩小者曰疣（疵）泰西能破而割之視其中或爲血或爲水或竟空無所物而腿之象皮

腫亦瘤屬也出生之小兒每有肉角生頭頂亦瘤也所以爲瘤之道因毛髮埋藏於肌腠之中欲伸不得疣有黑疵紅疵之別瘤始甚小日久乃大在未大時用毛姜明礬苛性硫酸石炭之屬塗其上亦能消平有瘰病久臥起發浮瘤者俟其復原不治亦愈致於瘰病之所謂瘤又屬不同名曰丘瘤成於肝腺之上爲肥氣痞滿疝瘕橫痃之屬不能割治又難消滅須於腺脈之動力作其浪潮之利或克有濟耳

疽病有高溫爲作濃也疽見於瘰症者爲陰疽不治疽病多頭故曰善攻頭曰臬疽（對口疽玉枕疽）「落頭癩」附骨疽多骨疽（骨核）腦疽炭疽壞疽疽者阻也各以部位而各名

癰病者腺腫也如搭手遮腮（牙癰）囊癰流注發背各等外癰皆是也癰病見高溫甚少卽見則癰危如瘰欲愈而爲餘癰與瘰欲愈而爲解癰皆爲重病轉輕之象如暑病患瘡癩如癩病患痰核本病欲解故

有此餘象也綜之瘍病有高溫不思納不腫痛四肢重（腫）牙關閉（瘵）作呃逆臘燭瀉謂之七惡皆不治以大便通放矢氣得呻吟胃納強爲上善

瘍科中有馬刀有狹癭有癭有痺有白癩有雀癬有鱗屑有紫雲有癩疔或爲疥疾或爲疹屬可反隅明之如乳巖乳吹乳頭瘡（乳癰）乳破碎乳塞結乳吹（乳放矢）乳癬均於婦人科述之所以破傷者菌侵也蒲公英服之髓溢而贅肉也烏梅肉擦之疤深而不平橄欖汁塗之

瘡痢 瘡瘟性也瘡痢者瘟瘵兼病也治同瘟痢瘡愈而痢自愈瘡治毛像也毛像復而腸之護絡亦安蓋瘡病出汗之時其餘燄之上足以傷肺其餘燄向下足以傷腸傷肺有瘡瘵傷腸有瘡痢瘡痢同爲食道病瘡病募原食管之病也痢病腸壁腸壁腺脈病也

疹瘡 喉病發疹疹透而瘡自愈蓋熱（溫）邪上受首先犯肺肺濁上蒙以爲喉風喉風得發疹以分其勢也故當愈然喉風不盡發疹喉風不盡瘡啞宜注意焉喉風肺病白喉胃病別之

疳泄癆泄 因病於腺因病於脈而延及大腸之護絡傷腺爲疳瘡傷脈爲癆瘡或爲魚膠屋漏或爲腸紅腸宣瘡所以爲疳癆之副病非自瘡也如疳癆不復縱治其瘡殊鮮效果

喘滿 喘瘵與浮腫合病也爲瘟瘵病喘滿以瘟引瘵爲多以瘵引瘟爲少急性者多瘟病慢性者多瘵病如暴腫屬熱久腫屬寒瘟引瘵者治滿而喘自愈瘵引瘟者治喘而滿自愈

吐瀉 爲食管泛濫爲腸道不禁皆毛病也或霍亂或解休病於瘟性者多病於瘵性者少執端用中其治在胃

痲痺 痲爲肺熱信然風旋而病痰痰熱風寒痰寒風熱或熱喝或

寒遏蓋天暑之氣人體之內必形痰寒天朔之氣人體之內必形痰熱
相較而有寒熱非受熱與受寒也暑日而汲井之水似其水甚冷非冷
也習於天暑而覺其冷也冬日反是所以暑爲涼抑揚抑則發痲如其
重遏痲又隱縮縮後再布或聚而爲痲此暑痲所以爲痲結毒也
癆腫 溢血之人或發癆腫古書統稱之曰虛腫如腸血洩血嘔血吐
血欬血瘀血之後或爲周身腫或爲單腹腫皆曰癆腫治癆不必治腫
也腫爲腺肥癆爲脈溢惟脈溢不能馭腺肥古書所謂氣血不和者卽
脈腺不相合作耳所謂引血歸經者去血之痰量以爲血家之潮動潮
動則溢者凝乎足以應求也順氣化痰者去液之痰量以爲液腺動機
之旺強作波力以勻順暢和而其肥態可減也癆腫之治法在能治其
血脈之潮動而安液腺之波勻以治癆爲本以治腫爲標最近余治一
男子吐血三年矣每發盈盆盈器可驚人也而其體幹則年肥一年時

僅三載狹小之門竟不得過然其舉止並不覺十分任重也故亦無喘喘之象百治備之矣余以側葉紅花叢艾加青魚胆汁咀咬去滓每日三服而不十日而腫勢平矣仲弟任之疑也問曰魚膽腥不傷胃乎夫胆以治胆也胃方欲求胆素而不得也三藥皆治脈也脈利而胆暢而腺亦和也所以黃芪白朮之屬不必用阿膠麥冬之屬不必施也而熟地之類尤所禁忌昔者余曾刊印於海上效方之安徽姚姓亦因欬血而腹臃也或以爲內瘍也或以爲肺癆末期也檢驗無所見歷醫無小效余亦以調其脈腺而循序進愈連類及之明其治也疝瘡治腺而安脈疝腺病也腫腺病也則以不病者保守之脈強不痺而腺亦自復矣如小兒疝膨之類苟以爲胃有積鬱妄施消補適足助強其腺腐中之形蟲不利生理而利病理夫腸間之形蟲何然而發生焉須究風體本係么魔叢集僅人之肉眼不能見其組織耳其爲組織也列備其能司



諺云乾十年濕十年乾乾濕濕只半年風化爲腐腐則形蟲生矣西人見之曰微生蟲微生蟲者蓋徒見其能害人耳不知其使用得當亦能化莠爲良載舟覆舟同是一物惟此蟲繁殖於痰量之間則假物體之形以爲形形蟲蝕腺液量減退而爲痰量推而及脈亦然所以治疖者復其腺治癆者復其脈復腺則平脈之臃而腺相孚復脈則平腺之臃而脈相容

疲癆 瘠癆 濕困人倦疲癆也脫力神怯瘠癆也疲癆脈弛也瘠癆脈引也弛者賁引者貧賁痿而溢也貧瘠而亦溢也而其但疲未進於癆但瘠未進於癆治之自屬較易而其已癆之後治之似覺較難以癆爲一病的則其欲成癆也疲瘠皆爲事前期在其方疲方瘠之時此上工治所以未病也治未病治其未至病的之末期也

瘟瘧 瘧疫瘟也謂之曰瘟瘧者言類瘧之連熱也如春病之瘧瘧春

瘟也夏病之瘧瘧暑瘟也秋病之瘧瘧秋瘟也冬病之瘧瘧朔瘟也瘧
伏瘟純瘧瘟各爲之別夫寒熱交錯疫於毛像純瘧瘟者去疫而病愈
矣（疫瘧）而其兼瘟之瘧而其伏瘟之瘧則治瘧而兼治瘟也古人
別之曰瘧瘧（寒牝熱牡）曰痞瘧（間歇瘧三陰瘧）曰核瘧（瘧
且結核爲瘧疝爲瘧痞之屬）故曰類瘧者皆瘟瘧也（傷寒瘧）（
似瘧非瘧）見瘧而治瘧類瘧而治瘟瘟轉純瘧卽以瘧治蓋界限不
清有瘟象似瘧者未有瘧象瘟者也夫瘧病以毛傷爲多氣食二管之
毛息被痰滯也故惡性之瘧三日一作此皆重傷於二毛也治療者當
使其日作愈期可計矣規那皮（金雞納）檳榔艸果皆治痰也痰化
而胃食滯和矣肺水氣解矣管道之毛像復矣

痲瘋 疹癩合病也疹因癩發遺傳爲多蓋其固定痰量中潛伏有梅
毒性風蟲因鬱濕之環境乃引發耳惟南方有此症苟女子患此者必

求與男子交合合則泄泄則男子必亦病男子病甚者死可危也故謂其疹曰梅毒疹謂其瘋曰淫慾癩（花狂）須先治其癩得於其液腺中固定痰量消除（惟甚難）再繼治其疹得於其血脈中之漬點減退川芎蒼朮羌活所以波動其液也楓仁芙蓉鳳仙之屬所以潮動其血也經期不慎疫風內漸藏燥癩瘋一本而異枝也

今之自號傷寒家者舉一切病莫不謂之傷寒曰別足傷寒翦風傷寒夾驚傷寒夾陰傷寒刺脇傷寒濕溫傷寒漏底傷寒噤口傷寒名目繁多此以傷寒爲萬全病名者也今之自命儒醫者舉一切病莫不謂之時氣如痧曰時痧瘧曰時瘧痢曰時痢癘曰時驚霍亂曰時疫曰時邪曰時氣一時無不時而以此時字爲萬全病名者也可笑

于是風疫痰穢（痧穢）之症則標之曰羊毛瘟癩脚瘟畢螺痧轉筋痧等種種名目

而其爲癱也爲廢也（內經曰風痺卽偏廢也世有偏發之名係偏廢之誤）則曰急慢驚風則歷節痛風則鬼翦風曰雞脚風曰漏肩風于是楊梅毒風脫力勞風少年各病一名之曰傷風老年各病一名之曰中風不問其季候皆謂之曰濕溫曾不以疫瘧癘辨之惑也
言傷寒者則詡詡然以爲學紹仲景也其巧立名目仲景果如此乎
言時氣者則施施然以爲法宗孟英也其信口雌黃孟英果如此乎
言濕溫者則揚揚然以爲葉天士吳鞠通之徒也術者行術非此不足以昭通俗蓋徒於作業上是務而於學理通否不之問聞也病名濫觴孰能正之



Blank manuscript page with vertical columns.



婦人科

月經問題 婦女至相當年齡乃有月經應潮不潮爲發育不全婦女至相當年齡月經乃止應止不止爲生理呈異

月經不潮者有天然之遲感有天然之不感苟無形神痛苦可不必治也而其有形神痛苦者卽爲病理

其天然遲感天然不感有以下之三大原理

一爲脈應不充無過剩之血可下

二爲卵袋未啓卵袋無血容故血亦不溢

三爲卵袋腺結痰核障礙血容

至於脉應不充者或肝腎有約血不經常者爲乾血症爲枯血症乾從何處乾起從約處乾起枯從何處枯起從約處枯起故言乾血枯血症者病在肝腎爲血不經常也蓋脉因痰積或爲結痰脉因風着或爲結瘻

皆所以成其約束而不波流至於貧血使其不經常者脾石不化血胆石不精血故婦女閉經除有孕外則大別有四

曰肝約病 脈離卵袋遠故肝病多血枯

曰腎約病 腎脈離卵袋近故腎病多乾血

曰膽石病 血不精貧血則肝腎亦約

曰脾石病 血不化貧血則肝腎亦約

從未一潮謂之閉經

曾潮中止謂之停經

有孕養孕謂之踞經

經不下順而上逆脊衝謂之倒經（鼻衄）

經潮不信或趨前或落後或避年或瞞月或兜經或暗經謂之蹉經

經云何一月一潮如昭信守周而勿替循而常復如趨前而來痰量熱

也或落後而來痰量寒也熱固易動寒固較遲

此血來自脊衝脊衝非僅有腺亦有脈也腺之所至脈必並行腺正而脈副脈正而腺副也在脊髓之脈副腺者也故女子經病治脈者勿傷腺而其女子經血冲多帶下淋漓則腺脈並傷救治爲難治脈者而以腺生之存液卽所以存血也

男子非不經也暗經也腎囊形於外血皆經囊而內周蓋腎囊無隙也女子經而外流者虛諸中而血經其中（卽卵袋卽子宮也）盈而溢見隙而出也女子暗經或血不經常乎

〔附生育問題〕子宮之隙不常隙也因內盈隙啓也湊此機會受胎較易耳紅不能撞者爲因排血之時卵子無留住之可能精子雖射不能深入也素女經所以有肝到腎到肺到心到諸說男到而女不到女到而男不到於是有生男生女之別西說亦以快感爲生育上

惟一條件然亦有睡眠之時被姦汚而生育者蓋有一方面之快感
卽足盡生育之能事故男快勝女者生男爲多女快勝男者生女爲
多求子得子是在念念在茲乎

男子精子在睪丸也女子之精母在卵巢也男子睪丸之精有一定
之數量雖不能得其準確之數其有限可斷言也女子之精母亦然
若使淫慾無度旦旦而伐經一次交合一次消耗一雖交合之時未
必皆能啓隙未必皆能射子難免不耗傷也一失者不復能償一因
精子精母皆父母遺與非後可補償一數量用盡竟爲虛器此戕代
過度之流所以不能生殖也

有男子之精子射矣而女子精母不裹不爲胎有女子之精母裹矣
而男之精子不射不爲胎謂曰空射謂曰空裹

男短於不能射之的女短於不能裹之的此或病於子宮深邃或病

於子宮障礙或病於陽莖瑣小或病於陽莖痿頓皆病態也

氤氳之說亦自有理而心痒痒也而肺喘喘也而肝升升頭面赤也而腎動動腰腹暖也而水洩洩也而喜孜孜也百體緊張全神貫注所謂念茲在茲者有由然矣

葆精而候一用也非浪擲而求倖中也毋勞毋傷養生之戒蓋非禮而勿動非義而勿施至於暢性適慾春閨秋怨男子不正其容女子不寧其志風餘細胞異類氣息皆得潛而處之女產異物男子有孕史冊載之矣傳說聞之矣亦均有求而然也先具此心乃具此形可戒也

人脊推動物也人之動性皆脊衝作用外象始動於肺肺動則心動肝腎之腺脈因心動而急進於腦腦動而急進於脊髓脊髓動而上津涸下精溢肺於浮浮於舉丸其蒸釀之汽燄於也於是下引

舉丸之精子出於精道男子如此女子亦如此精母與精子遇於是形成是故其動性之行爲而見之於病態上者則癩癩可虞也

所以女子洩血卵袋燥也血不潤卵袋而爲護脈溢

所以女子痛經卵袋拘攣也亦曰神經痛

在相當年齡而月經應止不止雖老尤盛也當一究其老盛之因如其無形神之痛苦不必治

若一月數潮

若淋漓不盡

爲崩爲漏滋可懼也漏者卵袋護絡有漏瘡故其習慣常下崩爲漏瘡之漸血脈崩圯而溢出也痰量熱其主因也或爲瘵變或爲痿洩當分別知之瘵變治以潮動痿變治以波動然病灶在下服藥所難或爲浴治方能效益

崩漏不僅爲年齡生理上應止不止時之病舉凡婦女之見一月數潮淋漓不盡者均云

崩後多病腫脈求腺復而腺亦病也所謂脈腺互相正副因治崩者不能預爲保守腺常故腺脈均病

不經血而吐血而鼻血而澀血而舌上翦血而皮膚沁血者鼻血爲倒經澀血爲卵袋燥吐血爲脈癆翦血爲胆道襲毒沁血係肺腺着邪蒲黃可治之也蒲黃者波血而不止血波血則血行血行歸經而無病也或以翦血爲燥心所致沁血爲風厲所成燥心何以不成藏燥風厲何以不成行痺徒見其翦血沁血故曰胆道病肺腺病

女子亦有遺精或以爲未聞前說女子夢交被褥盡濕此非遺精滑精溢精與男子同乎昔人皆混於帶病之中不知分別以帶治遺故鮮效又曰女子十有九帶安知帶病之不有一二爲女子遺精乎女子遺精

之治同於男子當甯其脊衛曰化濕曰瀉補皆醫者之術辭苟能於肝腎心胆之利乃其法也

放矢氣不以後道而以前道名曰陰吹女子有此病男子有此病男子有此病傷脬也必脬道厭迫而肺脬之氣脫繫頻頻矢氣人將死矣女子或因產後轉脬所致頻頻矢氣人將死矣

女子白帶黃帶赤帶皆爲腺病與男子同

女子經下紫黑成塊古說以爲血中加氣謂之曰瘀血夫脈行不利或痰量結核風量結膜紫黑成塊正復瘀性得解何病之有紫黑不得下脈行約束動機遲呆或毒邪攻心血熱妄行爲嚙語或爲厥逆血行風自滅治結膜之病也治血先治氣治結核之病也蓋所謂氣卽動機是也至於氣鬱則血瘀如非在肺在脬可論餘處未能概論肺氣鬱肺護脈乃病脬氣鬱脬護脈乃病惟然氣所以鬱爲脈間痰量呆滯動機仍

不以氣病也

附有聲明者腺病結核爲多脈病結核間有也脈病結瘵爲多腺病結瘵間有也

胎產問題 既受胎矣其經常之血所以養胎也肝血爲兒飲腎血助兒長兒以臍代口兒以鼻代肺一月始胚五月始型七月始成十月始生有月份不足者有月份過期者以十月爲標準不以十月爲確定也婦人有孕以不服藥爲上妙草木救偏不能保其無弊至其形神痛苦病理顯然則雖進毒藥有故無隕

東胎飲生化湯益母膏名目頗美効用亦平用以解嘲用以自慰爲心理學上之藥劑非病理學之藥劑也然心理之治勝於其他以之取用自亦一法耳

胎前病曰子腫（頭腫脚腫周腫均屬也）曰子嗽（喘息欬血均屬

也一日子痛日子癍（子瀉）日子痢日子煩日子滿日子懸日子瘡
皆爲胎息阻碍治同平常各法惟不能用犯肝腎腺脈之藥或波動或
潮動因胎體亦腺脈痰量所成治腺脈適所以傷胎也故利肺之藥不
忌也利胃之藥不忌也利脬之藥亦不忌也利肺如蘇子前胡利胃如
黃芩白朮利脬如通草澤瀉均可選用至其應忌之藥少用無妨有故
用之亦無妨故在胎產期而見腺脈病證宜利其三焦以間接恢復之
何謂試胎弄月可分三期

一曰受胎期 乳房痒（初胎則乳房高肥） 吞酸 噁水 流

涎 厭食且嘈 殮癍 少腹痕感

二曰養胎期 腰痠 神倦欲睡 欠伸 作呃 目昏 心宕

便秘 渴飲 健飯 腹丘

三曰成胎期 腹高注下 尿意頻多 下體感重 胞漿直流

所以然者或爲胎息上攻或爲營養障礙或爲感覺反應皆不必藥治
夫生產爲生化自然如瓜熟蒂落無待乎助力臨產而欲用藥催生守
產而欲用藥安胎皆不自耐也

產婦之應有常識惟此耐字古人之言曰忍痛慢臨盆分娩順而坐蓐
易如其欲之以速憤力者力脫于是有下述之危險

臨期難產 偏產也碍產也橫產也倒產也盤臍產也瀝漿產也討鹽
產也坐臀產也脚踏蓮花產也雖定名至俚俗而其形容難產情形有
足多者所以爲難產者皆產婦不自耐也或始耐之久不耐之或始終
不耐於是產兒兩方皆無俾益忍一刻則千秋蓋欲之速而反不達也
至於交骨不開小兒悶於臍腹謂之悶臍難導而其兒死腹中痼血無
以下胎（血海枯）謂之水枯舟停均宜施以手術若天熱血暈天寒
血凍看護上宜事前防止或燒醋炭或噴姜霧亦可平也至胞衣不下

亦用手術治

墮胎不道德之事不必述

而其爲小產也或斷血乳或傷胎息皆產婦之不慎然則產婦可不慎乎世非復古胎教之說久無聞矣傷胎息利去也斷血乳可續則續不可續利去胎也否則子母皆傷

產後病 產後有病早治爲宜治同常人惟增逐瘀

惡露不多 苟非滯血何能成胎胎前種種應象皆滯血所然故雖有應象並不爲病所以養胎也產後胎已下矣仍其滯血或排除不清則子宮之內結血而成其痰瘕經渠不利上犯心腦爲蒙回反肝腎爲厥况產後之血皆傷血也心腦以毒養肝腎以毒歸熱陷血室寒伏血經動機不能生利此產後所以宜溫也因經渠所在或因手術而傷則其波潮之力難免不稍脫繫用溫藥以維持其持續血脈常復行周復常

保雖去血多而不厭其貧故產婦以胃納旺強爲第一條件生新逐瘀則瘀血之下亦本天然之力而非藥力助也故益母芩蔚紅花澤蘭皆生新之品生新卽所逐瘀也

子戶不收 病於脾也因破傷之後脾量困頓不能調攝肝腎腺液枯乏其天然力之減除利用故子戶不收責之於脾

枕骨疼痛 此係骨骼漸風伸施爲難重者骨上生疽輕者骨上潰血枕骨疼痛之病最易發生疹象使其受風而不外達則爲產後例病一生痛苦隨之矣

小便不利 小便所以不利者脬藏轉易尿道之口被壓緊無由外達結水可以脹腹脹腹則碍脈而使惡露阻止非福利也治在肺家以生脬肺氣暢足脬藏乃正

燥屎便閉 或云寒結或云熱結均非的論必也此產婦素貧血少因



惡露暢用腸絡之脈血緊約無以貫通於小腸而爲燥屎燥屎結而大腸窒大腸窒而高溫至葶熱之象可危也仲景蜜導堪爲一用

葶後癆熱 產後百骸空虛感冒易乘蓋其直漸脈腺兼傷毛像也謂

之曰癆熱治在肝腎之絡故柴前杞菊均在選用之列

夜不得臥 胃不和也脈血過耗胃絡空虛痰量自存胃家不甯此浮

麥女貞北秫半夏均在選用之列

轉脬遺尿 上論小便不利此論遺尿不約均是轉脬爲病治肺生脬

亦同前法

內膜發炎 子宮內膜發炎病於腺者爲多手術傷腺結成癩瘰或小
便出血或白沃頻多或陰戶空痛或內腔脹感均係子宮內膜爲病風
鬱達之痰鬱解之所以平炎也

滿身生瘕 瘕之爲病皆汗餘之留漬於皮膚中者產後生瘕以胎前

潛伏爲多在養胎時期腺脈皆碍阻故無以自見也胎產之後則腺脈利而外象見凡枕骨疼痛者多見瘕象

產後昏變 以毒養心腦者以毒歸肝腎者均於脊衝不利肝腎腺脈瘵變甚則昏迷不醒人

產婦出痘 產婦之出痘爲危象也兒能出腹則生不能出腹則死母兒有同氣母之出痘兒亦痘也一身而二用難堪支持矣產後出痘瘕屬也爲花柳毒汗餘邪

古說胎前宜清產後宜溫旨哉言乎胎前以始胚爲其初產後以百日復其原

產婦無乳有二因一爲思慮耗用肝腎經流因潮心而不及乳房二爲肝腎經流之處有所間隔故產婦之乳房不隆屬於第一項乳房高隆而無乳屬於第二項者第一項爲脈不足病第二項爲腺勝脈病脈不

足病則有乳泣乳瀝乳吹（乳出氣）乳岩之屬（瞎乳爲生理不良亦脈不足病也）腺勝脈病有腺塞結之乳頭瘡有腺腫之乳癩塊乳核乳疽乳癰皆治腺也

〔附論〕女子不受胎之原因

（一）女子缺乏快感條件

（二）子宮癥石（瘦癖）血海枯而不潤

（三）子宮深邃不易受精

（四）卵袋分泌酸素太多精蟲無生機可能

（五）陰寒早泄子宮麻痺卵袋之精母消耗無存或陽痿早泄卵

子缺乏雖有精母無從包裹不受胎之原因女子屬其五男

子屬其一

至於產後之尿泡垂下交接之小戶嫁痛均當施以手術而其陰戶生

瘡治同下疳而其胎兒內肥治同消腫不一一述

夫以月經來潮乃生育氤氳時期亦有產後經水未至而又得孕者此何故爲暗經也或曰石女無經亦得謂之暗經乎暗經惟產後乃論夫女子月經之潮上可由鼻而洩也下可由腸而達也而以由廷孔出者爲正常也所謂暗經者必也非經有一次鼻衄卽經有一次腸衄爲可斷言也

經血與沃液來道既然不同血色之淡者勿以沃液名之沃色之赤者勿以經血名之世之婦女茫不知別疑經疑沃陣冲相象遂爲暗胎之說非也經血與沃液（帶病）有同至之可能亦宜注意焉

Blank manuscript page with vertical columns.



小兒科

小兒初生未啼之前能去其玉銜則固定含量痰體可以稍減其勢（胎毒）產婆守產何不注意之

小兒七朝換臍之時容易發生臍風不啼不食（術語曰撮口鎖喉）鼻塞氣促四肢厥冷口吐涎沫此係脈道脫繫脊髓腺變所致用紫蘇浴治法

小兒口中起腐（術語堂郎子雪口鵝口木舌重舌）此係肺受風熱碍於胆胃乃起霉點臍風病寒中口腐病熱中寒始於脬熱始於肺熱碍於胆者胆困熱碍於胃者腸窒肺病治脬故用導赤散之類

夜啼 可分爲二一胸不舒一腹不舒不舒故以啼伸鬱也小兒患在不啼能啼肺未病也胸不舒者治在胃脘腹不舒者治在腸道能啼故不治肺

遺尿 又名夜行亦曰尿床睥寒而尿遺氣不約也水不禁也下病上
治治在肺

胎毒 或發瘡痍或爲疥癩有梅毒性之周體無皮有痰毒性之流注
骨痿

肺癆 俗名肺風痰喘（馬皮風）小兒此病最多熱病之類也肺癆
則胸水今日曰肋膜炎只見胸際漸高痰塞氣促出入之間升多降少仲
景麻杏石甘湯治之

肝癭 肝腺癭變（天吊）則爲脊髓病今日曰腦膜炎俗云急慢驚風
指紋紫面色青舉手揚足循衣摸床甚則角弓反張四肢顫振古說剛
癭無汗柔癭有汗余說剛癭有汗柔癭無汗說詳下故肝癭肺癆大異
不同治肝癭而用肺癆法則病灶傳肺而死肺癆而用肝癭法則病灶
傳肝而死可不戒哉辛未夏日愚之三女庚生死焉即病於肝癭始則

頭面瘡痍被涼所遏腦後一處熱痲將熟未熟爲內攻也以玉枕之所
在地內攻傷腦是夜流涎無算而唇疳翻出半邊耳輪眊無血色天柱
骨倒臥必枕手瞑目若頭重非昏睡也張視若有覩非露睛也自癩病
至不起垂二日許未四十小時也服以犀角豆豉汗出而痞痲均見見
後不二小時又沈去然而皮膚和潤若無病者惟瞑目依舊也有頃口
疳亦平耳廓較和忽然載眼直視血液緊張面如死灰四肢顫振爲瘵
變矣瘵病之脈例宜弦數而乃平勻如常脈證不應爲可慮耳不多時
而瘵平矣視其痞痲又佈汗潤色澤大便垢污雜食皆下氣既不粗欬
亦能暢腹中鳴響神似安常家人以爲內阻得通或可離危象也然而
五尖不溫哭不達淚雖通噫氣常現笑容陷脫之機備伏矣有進以提
肺之藥者終以肺瘵而死故治病有禁列

一曰非因其表現不預治也（所以保守其未傷）

一曰治病不究既往也（欲瘕瘵之重出而反成其瘵）
故上工治未病而不可干犯於未傷之藏器能利用未傷藏器而生化
此所謂停止其病態之進行仍非所以預治也庚生年二歲伶俐可愛
方牙牙欲語視其人非夭壽者以病以死可哀矣其天柱骨倒唇疳翻
出五尖不溫一身而兼三絕其病性之惡耶治不得其當耶而其腦後
生癩殆其病根與或者適當衝腺要道故耳無潤色唇見疳肥惟破傷
而風侵不外腐而內潰腦膜既病故瞑目如睡也余即以庚女之病概
若一切

痧痘上卷已述發育不良上卷亦述均略

「附得生投生論」人生有不可思議之問題爲從來無人說明既有
其生何必其死聖人云未知生焉知死生有自來原始反終模稜兩可
之論誰能下一斷語何所聞而來生乎來乎何所見而去死乎去乎來

處來究何處來曰男女構精去處去究何處去曰反之大荒生於憂患死於安樂大哉死也君子息也小人休也根據以上諸論衍釋此文男女構精審然矣然而原始男女何生乎雞生於卵卵乃孵雞雞先乎卵先乎至今未詳其說

反之大荒審然矣杳杳冥冥莫可推測飄飄蕩蕩無從依歸遊魂爲變藉物作形太極無極徒爲假設之詞孰發其復

大地之上惟有電性電性者光聲之見體也光聲者先天之本動靜者後天之主有光體聲體有動物靜物惟然光聲動靜之合乃爲能子能子之於人也迷信家謂之魂魄故構精竟能成形不能全神能子僅能全神不能成形

遊魂爲變藉物作形故惟形神之合乃有人生

因機緣則男女之精構因機緣則天地之神構惟構而動能備矣蓋構

而合不構而散所謂機緣者有時效上之機緣有工力上之機緣有處境上之機緣三者不可缺一故曰爲人容易做人難

十月滿足而乃形構成矣瓜熟蒂落是母體之天然能力也而其出腹之際顛頂先露乃與大荒接近適有能子遂風飛蕩於是顛坎吸引能子深漸剛剛湊合墮地試啼可生焉而乃能子不足生後必夭而乃手足先出顛坎未露如此等產每多危險此因其吸引無從深漸爲難故耳

能子之於大荒無多無少有一定限量故世界之人類如海潮水湧此長彼歇此國殖繁彼國殖退苟以列國列年之生殖率表互爲參證當知余言無謬

然能子有人性之能子有獸性之能子人之異於禽獸也幾希好貨嗜殺者其蓋人性而兼獸性乎

人不死於病人不死於老死於能子之脫繫蓋能子必於可能範圍而生動使其可能範圍以病以老卽所以使其能子脫繫能子在可能範圍之中病於萎蘼老於沈衰惟然則思所以休息而死也

然而能子者終能也反於大荒者得光聲靜動之熏陶曾幾何時仍欲求一可能範圍而生動形神再結又復人世

能子非單簡組織也三魂之在肺胃脬也六魄之在肝胆腎腦脾心也各以其所用而求全其所神此生也此組能子被生也彼組能子或甲能合乙爲此生之能子組或乙能合戊爲彼生之能子組組合不同故前事均忘否則以原班能子雖投新生體形而前因不昧來鑒均知世且謂之奇人也志異說蒼常有獸作人言之筆記或猶是乎

構精而假我以形形非能久體也構能而假我以神神或可常住也余因研究老病之餘連類及此生死之說求長生而妄想藥石者可以醒

矣

... (The text in this section is extremely faint and illegible due to the quality of the scan. It appears to be a continuous block of vertical text.)

... (A small vertical inscription or page number, also illegible due to fading.)



（新病述）

科學昌明有意想不到之利便于是百病叢伏有意想不到之發生有其利必有其害非敢攻擊科學將以存亡救滅爲生命之保障說明其害卽與科學之本身亦不無小補也

曰味素病 味之鮮者皆毒質之所存也遑論其他卽香菌之類久食亦傷胃耳味素久積胃呈麻痺習於鮮素刺激太深由癮性而進於失効矣此蓋其胃毛皆痿無復有伸強之機吳萸黃連無用也白朮枳實無用也始病謹拒繼爲殮泄如患此病宜用歸芍

曰田粉病 用物肥田何病於人曰有溝渠蟹屬存矣蟹飲其水人食其蟹年來食此蟹而病痢也必多不救人但知柿蟹同食可以殺人而食田粉之蟹亦可以病人也田粉之肥植物也其能力在於毒質之挖助無疑義植物受其毒而不病人者爲毒質因植物生殖之過程已經



化他也及至起穗毒性無多矣蟹而飲之每能疫蟹蟹役則人亦役雖
係恣貪口腹者自招其病然宴會交際誰能免焉此等惡痢雄黃防風
之屬可解也

曰機米病 米爲人需機米取其純淨外糠略無所留夫糠之爲物係
胃脾化血液所用無糠之米于營養上似有欠缺非惟不能爲代謝生
利抑且爲代謝窒碍足以爲萎黃脚腫等流弊糠素之爲用在西書亦
以唯太命名之其重要蓋不逮繁言矣夫人所食物徒爲糟粕而不用
糠歟亦何良之有善衛其生者宜於糠歟均有所應用也由機米而得
之萎黃病飴糠治之由機米而得之脚腫病以木炭治之
曰蚊香病 蚊香之原料我雖不得詳有除蟲菊菊爲穗類尙無大妨
使其有蟾魚骨也足以窒汗汗出回反於腠理爲骨蒸熱留戀不得解
疹類忌焉使其有番木必也則刺激興奮氣息入於肺藏爲毛像張瘰

嗽欬上氣甚且脊腺緊弛傷腦傷心蓋以火毒勢同燎原而况香辛開竅足以醉人設其人抵抗力弱則以殺蚊者殺人矣蚊香爲害莫能救藥如非用西藥阿木尼亞水嗅鼻然亦十鮮一効耳

曰電風病 雷電過處君子避也而乃風馳電爍非惟不知所避抑且棲之抱薪救火何其愚耶夫風之涼熯其加減之性皆不由人以電易風而風之本性失矣蓋其易熯而涼易濕而燥一惟電子混合人受其變奈何而得其安甯本性風熱者不盡風熱矣本性風濕不盡風濕矣人力爲病我未見其能治也鼻塞口乾頭痕腕悶傷於風熱然而汗出不解也蓋電本光屬內沁各臟毛像旣傷脉腺亦中夫世之照太陽燈（紫外線光）者創口或且成瘡照鐳靈光者局部或且築塊電風漸入內藏可危矣

曰火爐病 室外風暢室內風窒在處常且然若圍爐取暖快極一時

然煤毒窒氣電毒沁藏人不能久居室中于是寒縮熱長物體爲之爆裂用電爐者害等電風用煤爐者殃及脊衝于是見於瘟者爲傷風見於瘵者爲瘵變人工欲奪造化造化反役於人逆時抗變宜其病耳冬爲燥干胡龍病多出胃邪毒爲白喉也入肺邪毒爲喉風也斯人斯病咎由自取事後救濟毋乃晚乎

至於飲冰而溢血者我曾見之矣至於冷食而吐瀉者我曾見之矣瓜果爲積形蟲殖生冬服膏滋春病濕滯百病口入可不慎耶
且夫人參者市儉以胡蘿蔔用硫黃甘草黃連之屬製而充之白木耳者市儉以銀杏木置污水中候其生菌摘而充之蓋真者我且未能見其能生補况僞乎



類證備查

疔有痛疔有不痛疔痛疔傷於毛像不痛疔傷於腺脈
種痘之後有贈痘出疹之時亦有贈痘本無出痘之機被種痘出疹而
引發種痘贈痘照水痘治（輕痘）出疹贈痘（俗稱痧夾痘）疹透
而痘自回矣

紅白疹兼出者脈腺兩治

疹瘡者為疹後生癩瘡後生癰（痧毒流注）由散發變為集發當然是重症

霍亂之病切忌飲食蓋無論何種厥象飲水進食則胃愈積而肝腎之
腺脈愈泛例如酒醉之人胃苦悶絕飲水愈多而醉麻愈甚蓋其肝腎
之腺脈愈泛濫矣
癆病生痔不治疔病發腫不治

腫病以病後爲多血崩而腫也痢後而腫也或腫頭或腫足或滿身悉腫蓋病後腺不馭脈比較肥瘠而見其腫形

胸腫者胸水肺痕也腹腫者腹水胃腸結膜或結核也胸水鼻尖冷面赤者無救腹水跗青腿軟者無救其臥而膨脹輒立而其膨脹緊者動機不足也臥立皆硬拒按按有手印者動機障礙也胸水腹水均論癱而疝（俗稱慢驚）其癱也擲手揚足其疝也瀉而不痛蓋宗筋不用血液無持續之利腸道不禁脊衝不約所然也

皮肉顫動（漏肩風）必其人深夜不寐被霜所侵外毛不振所致肩胛痠痛風侵於骨節之間

昔人論中風曰內風招外風內風病於胃外風病於肺痰滯食於胃痰滯水氣於肺惟滯故閉惟閉故鬱惟鬱乃釀痧尾瘧尾尾病最難醫治蓋能子方受新創而其重有干犯何從得其復原痧尾如痧毒如痧癆

（痧痼）瘧尾如瘧腫如瘧母

雀斑與白帶有相因關係此蓋腠之痰量熱感而腠絡之腺分泌膿漿肺腠本相通蒸上於肺者肺亦熱爲雀斑故治雀斑爲病宜因腠而治肺也可

口中有穢氣爲胃鬱蒸爲肺鬱蒸穢氣作酸味病於胃穢氣作腥味病於肺吞酸痰腥然亦論

流火脚腫病也爲蛭血症爲梅毒症脚僵如木脈瘳也脚軟如棉脈痿也皆病於血脈也古說僵木者病於血軟棉者病於氣

老年之人體幹發生天然偃僂乃肺腠重心不均也肺朝百脈百腺肺腠不均腺脈亦不得其利便少年人患之險危也常見偃僂其體者或矜拒或喘欬外形偃僂而內形緊壓萬百動機皆受其掣節故不能盡揮其量爲疴爲癆之漸病肺則喘欬病腠則尿頻病胃則拒矜至於自



出生以來卽爲龜背爲龜胸此係先天不足病不治

面部氣色之不正常雖視若無足輕重實於病體大有關係故內經有
色診之辯白臘黃蒼皆非潤色而其面呈黧黑面呈眊白面呈疸黃面
呈瘰紫或浮游或深着要無非膽家不利故其愴然色變其膽素之不
利於胃者爲眊白也其膽素之不利於脾者爲黧黑也胆素之不利於
肝腎者爲疸黃爲瘰紫然曝以日光黧黑爲多藏於深密眊白爲多色
像之辨尤宜於深着浮游認識之總之深着者無病浮游者斯爲病耳
一熱一寒則血液之運行感難適從一熱痰熱也一寒風寒也着皮膚
者爲凍瘡由炎而腐一燥一濕則脈腺之動機感難周利一燥風燥也
一濕痰濕也着於皮膚者爲龜手由裂而瘍

夫天地間之物理一呼隨一吸一吸一呼拋物線也一周隨一環一周
一環拋物線也血液之行無論高處低處並非直瀉橫流乃係集多數

組織各爲其小範圍之拋物線流動合羣衆於大範圍之軌道上故能往來不絕浪潮適當不游溢不泛濫積之微集之成所以能其動也腺病汗之過汗則成疖脈病汗之過汗則成癆疖液貧也然不病之處皆起賁也因有約也故當治以逆流換舟癆血貧也然不病之處皆起賁也因有約也故當治以大水行舟世人不明血液運行之道以爲癆築可攻也以爲奔潰可杜也而不以蕩推爲之利導則其拋物線之運行視攻視杜如救火而益水適足助其威耳安望其能治也哭揚肺也笑陷心也哭近哀哭者足以使百脈百腺之調和笑近迷笑者足以使百脈百腺之約束哭甚而四肢發麻笑甚而肚腹疼痛夫肺心相近故哭笑不遠也欲哭不能反見笑狀暢笑不已反形哭容笑以哭治也哭以笑治也

嗜食辛辣者多生瘡癩甚且發爲癰疽此何故辛辣皆伸毛之物也毛

太伸而孔失蔽於是風蟲着之以爲外瘍瘍病始爲皮膚石繼爲血液
滯乃其出膿之後疔口之上或結薄翳或爲硬蓋此無他脈腺之血液
因疔口眩張其中之硫黃質溢焉夫硫黃質者毛以之生皮以之附男
女接觸而生情感外可以抵抗內可以自立也使血液中缺乏此質或
此質因癩汗而消耗過多汗出無酸味及汗出如注不能珠粒均不治
致於閉汗者爲硫黃質不達於毛莖故雖汗不暢或竟杳無汗洩

氣能閉乎閉肺閉腠皆水氣鬱也心腦肝腎胆脾血液動機之滯非氣
病也痰能厥乎肝腎腺脈之血液回歸於心腦也九藏有九液九藏有
血皆惟脈腺爲之連繫惟痰血液減退量也

病於跌打痊傷跌打傷筋也痊傷傷脈腺也痊者血液屯積位而坐留
而住而血液皆成痰量

曰脫陽曰挺陰曰縮陽曰陰易有其名未必無其病也試以氣力二字

明之氣動機也力動能也脫氣者脫其動機也蓋在欲爲未爲之時而發生其變形也脫力者脫其動能也蓋在將爲有爲之時而發生其變形也故諸脫皆病於硫黃質缺少脫氣者屬於無火無火能子不允洽於血液也脫力者屬於無水無水者血液不允洽於能子也能子血液之允洽惟硫黃質之交通所以有此病者必也受於驚恐或病後力所不勝勉強而然

非有孕而停經所謂瘀血在裏也脈腺不相孚行運不自然所以亦能腹隆下半身病者腎司爲多故其病必兼腿跗浮腫之象

骨骼體幹之發育皆胃霧蒸釀而然故小兒出牙發熱也小兒學步發熱也古說骨蒸熱不必治

熱傷肺暑傷心（肺傷而傳心也）寒傷脬朔傷脾（脬傷而傳脾也

一濕困脾燥困膽

痢無止法因爲腸壁起腐故痢多難拒此宜通利去腐安胃止酵瘡無
截法因爲食管毛像不利故瘡多泛噁此宜消洩平瘕和潤振痿
手足麻感昔謂氣血不和也氣以衛血血以榮氣氣卽血之動機也血
行遲量波力不足於是外風之漸者淅淅留其皮膚之上而爲麻感故
當以姜附之屬以爲波力之抵抗

牙浮齦腫人皆知風襲牙絡也風襲牙絡則絡肥絡肥則牙浮牙浮則
齦腫故牙浮齦腫以肺熱爲多以脬寒爲少脬寒牙病古云陰虛惟脬
寒故當逐寒

糞從食道而出者乃係廓內組織攪亂或倒腸或翻胃所致然胃翻尙
未化糞也腸倒則糞由食道而出爲因醉飽行房跌打驚恐乃有此病
至於糞從尿道排洩係腸道坎拆受壓迫而入於尿道者也

大頭瘟病大脚瘟病瘟兼瘡病也頭病治肺脚病治脬腦後風痛此風

襲於衝腺腦前風痛此風襲於任腺至衝任動機滯痛昔人謂之氣虛頭痛

昔有其論曰壯水之主以制陽光益火之源以消陰霾壯主潮動也益源波動也皆治脈腺之法也物得其潮動者則結痰可平物得其波動者則結痰可解壯水之主以制陽光治腺以利脈也益火之源以消陰霾治脈以利腺也腺之不足液皆爲痰痰以水喻之脈之不足血皆爲痰痰以火喻之故壯水柔水均名腺象君火相火皆爲脈容（君火即雷火肝之脈也相火即雷火腎之脈也）痰水而腺泛濫矣痰火而脈約束矣脈泛濫而波動之則一切皆處常也腺治而脈之痰火得其平所以制陽光也腺約束而潮動之即一切皆泰和也脈治而腺之痰水得其平所以消陰霾也陽光痰火之結痰陰霾痰水之結痰惟然所謂陰霾者內熱而外包以寒所謂陽光者內寒而外加以熱濕艸紙包炆



炭儿此陰霾之說也烈火加薪此陽光之說也

中國古法有刮背提筋之法脫胎於推拿之中刮背所以治脊衝提筋所以治任脈非專爲時症設也如不得隱曲（俗稱肝氣）得刮背而脊衝鬆利如濕困人倦得刮皆而脊衝和平如角弓反張得刮背而脊衝調勻夫衝脈之脹者得其刮後自感其流動頭目暈眩提面部之任脈而略舒也腰部痠疼提督帶之脈而亦得略舒也故施用此法者宜艾絨醮姜汁先爲之擦磨局部而以真菜油潤其皮膚不致有破碎之虞其法有利無弊可法也惟出疹發瘍諸病忌之

男子之睪丸袋與女子之乳房同爲分囊體故一囊有病延蔓他囊數囊有病浸淫及其全部

痰量在睪丸腺脈者爲偏墜偏墜者比較其生理病理而形見大小也痰量積於乳房之囊絡於是囊絡硬化有乳癰也乳巖也攻頭者爲癰

爲疽鏡舖者爲癰爲疥

治調理病取守勢守得住便佳治風火病取攻勢攻得速乃妙調理病慢性病也風火病急性病也慢性病於痰量急性病於風量病於痰量細胞體之減退也病於風量細菌體之變化也雖然風量爲病縱能移傳各藏而其定性可卜也痰量爲病縱其頑處一藏而其化性難知耳風者善行數變僅得移傳之可能痰曰頑固怪異實有膠結他體之可慮

老年病熟中年病損少年病賦稟不足故熟病損病賦稟不足病皆有痰痺癆疖瘡癥之別致於隔氣關格乃屬胃肺氣食脘道毛像病拙見以爲非絕症

泰西有老人科國醫缺之憾也

有病痔疑痢者有病痢疑瘕者分別不清遂生疑竇蓋問切上之欠工



也

產前跌撲產後驚恐均無救

產婦未坐蓐病吐逆甚肝不養腎故覺氣墜而上升無以載也利胎去而吐逆平已坐蓐後病吐逆氣墜灼熱溲便不通乃係瘀阻肝腎所致產婦不能用肝腎藥肝腎腺脈均以養胎也胃藥不忌脾藥不忌肺藥不忌故只實蘇梗通草木香黃芩均用之

故曰肝犯脾犯胃犯食管則吐

故曰腎犯脾犯胃犯腸道則疰

鼻紅者肺有飲牙落者腎不固頰赤者肝腎痰鬱掌熱者腸道不通

夢忙也想像而有夢

血液位而不亢不卑持平之道病又安從難之哉此病理者皆變態生理非生理外別有病理生理病理一反掌間視血液之位不位而其標

準在起居能無處常夫風之與人洋洋也人得之而自樂中乎風暴或竟內因痰積不能抵抗其風故普俗而曰風火病曰調理病風火利去其火也（火過也）調理安納其痰也如是夫

抑又說者風火相煽如火方焰風又加之所以明其急性焉名詞不必深究言調理言風火所以表明急慢二性耳

用藥宜先知藥弊方能利而用之或卽以其弊因勢利導

澄澈清冷與暴注下迫對諸寒收引與諸瘧強直對諸氣賁鬱諸熱脅悶諸濕腫滿似是而別諸厥固泄下宜也諸癭喘嘔上宜也諸禁鼓栗諸躁狂越其實一病諸病有聲諸轉反戾諸病跗腫諸逆衝上諸病痒瘡各以各條而明之此蓋衰彰陷舉補味溫氣各因其道而爲之治也



（病之定理和公式）

因爲生理反應所以有病理

因爲能子萎蘼所以細胞壞死

因爲細胞壞死所以能子萎蘼

因爲生理條件必需形神相孚若神全形損形全神損皆屬戾氣乖張所以不能常保也

電流者磨擦得之熱力者燒燃得之所以電爲動機熱爲動能互相應用而其不相關用也皆成病態

因爲風是外受痰是內中所以外寒內熱者外受風寒內中痰熱也

因爲風是外受痰是內中所以內寒外熱者外受風熱內中痰寒也

受寒則寒燥寒濕分之矣受熱則濕熱燥熱分之矣風痰均論

因痰量多中胃所以胃傷而脾胆肝腎心腦皆受痰量



因爲風量多傷肺脬所以風熱上受風寒下受上受於肺下受於脬

肺熱者羌防桑菊荆薄之屬可用也

脬寒者麻黃浮萍之屬可用也

胃寒者括萆薤白之屬可用也

胃熱者葱豉之屬可用也

肺以氣治脬以浴治胃以服治

瘟病治毛像也瘵病治脈像腺像也瘍病治分腠與肌肉也

治腺脈者使腺脈活潑不致拘束或築肥脾能受胃貢胆能發酸素

治肝脈則歸芍所以波動之也杞棗所以潮動之也

治肝脈則松柏所以波動之也艾紅所以潮動之也

治腎腺則杜斷所以波動之也蒼黨所以潮動之也

治腎脈則椿樗所以波動之也姜附所以潮動之也

肺護絡腺肥則用葶藶約之肺護絡腺約則用此紫苑肥之

脬護絡腺肥則用菖蒲約之脬護絡腺約則用益智肥之

肺護脈病用生地脬護脈病用丹參

柴胡所以兩治乎氣食管道痰量也

牛蒡所以兩治乎肺脬毛像風量也

脾困用厚樸濕流之體皆乾脾石用甘艸澱粉之泌增強

以橘皮治胆家潤素不足以竹茹治膽家之苛素不足

重慶獨活並治衝腺天麻葉本並治任腺浮麥女貞所以保心腦間

之持續桂枝赤芍所以保肝腎間之持續

肺脈絡創矣爲欬血上脉肝司治肝

脬脈絡創矣爲洩血下脉腎司治腎

肺腺絡臃矣爲肺腫上腺肝司治肝



睥腺絡臃矣爲睥沃下腺腎司治腎

因爲風痰相敵所以萬病皆鬱

肺睥之間紫苑治之腸睥之間大黃治之腸胃之間只實治之肺胃之間牛蒡治之胆胃之間橘皮竹茹治之心腦之間浮麥女貞治之

脊衝病類上以責胆道下以責腎道

頭之前任腺病也頭之後衝腺病也

胸膺督司也督類者治肝腎

躄維病類者治脾膽胃帶腺病類者治睥兼治肝胃

瘡病皆腺肥也浮瘡屬風着瘡屬痰（古人所謂水量者是也）

瘡病皆腺約也暴瘡屬風久瘡屬痰

疰係腸絡不繫所以不繫者毛像不應也痢係腸絡創腫爲脈腺病

膽囊因驚碎破吐出綠水不治肺絡脫繫因忿氣而然也肝絡脫繫因

持重而然也腎絡脫繫因勞逸而然也脾絡脫繫因思慮而然也

瘟疰治毛像瘵疰治毛像瘍疰爲毒解不必治瘍兼瘵病治同瘵疰
瘟痢治腸部毛像瘵痢治腸壁所以治痢之道最好用酸類注射於腸
使腸壁腺脉炎性鬆解繼以蜜乳之屬導其糞則其治較爲速愈焉蓋
痢病者腸之結節發生疙瘡也（加答兒）

瘍痢不多見有諸爲時放矢氣腹痕窒不解呻吟溲少名曰盲腸炎治
用當歸赤芍之屬利肝腺也若用只實大黃丹皮生姜之類反誤矣
肝腎痕窒皆血液病也

肺脬痕窒皆水氣病也

胃痕窒爲食滯腸痕窒爲燥屎

脾痕窒爲分泌不利或脾石或脾困

胆痕窒爲苛潤不用或膽石或膽困

器能病痕室也腺脈病瘡瘡也毛像病痿痠也

有勿見之寒證矣以寒爲本則寒濕寒燥皆治在肺有勿見之熱證矣以熱爲本則濕熱燥熱皆治在肺故宜以光爲主用以氣爲客用若以氣爲主用以光爲客用非治也卽治亦不得迎解所以然者天地間之定理由光合氣非由氣引光也其寒證矣則其濕燥之氣皆副光而合其熱證矣則其濕燥之氣皆副光而合故但治其濕燥無用也必究其爲寒濕寒燥濕熱燥熱乃可治耳

病非現有表現勿能預治預治者過治也過治則引狼入室殊可慮耳例如病灶在肝或疑病肝者且移於病腎矣預治其腎肝未復原腎又重傷方冀因腎生肝而乃肝腎俱傷其誤治可知也而其心腦方在回歸或以肺翼於心治肺則心腦之回歸可解孰知心腦非惟不解其回歸治肺反以傷肺諸如此類宜注意焉

蓋治病之道惟傷者復之惟未傷者生之傷者有其表現可證也凡並無表現可證者忌治也古所謂聲之東擊之西者仍以未傷生已傷初不敢重爲之干犯耳

以彼體類之能子毛像救助此體類之能子毛像以偏濟偏雖爲毒藥而病當之也故曰有故無殞也設無其故而用其物謂之曰誤治

舉凡一切痰量爲病當停止其進序也故在其能力期間勿事鬆懈舉凡一切風量爲病當備全其過程也故在其時效期間勿事操急勿咎既往防過治也勿預將來防非治也除惡務盡也以現在所有者爲標準庶既既往無餘憾將來無追悔矣

風量病人多侵襲

痰量病人多內作

鎮痛仍通利耳通利則解結也

清炎仍達洩耳達洩以止醇也

夫童年各病皆蒸骨性之種種病也女子各病皆臨經性之種種病也
有蒸骨性高溫有蒸骨性餘欬有臨經性高溫有臨經性煩悶有骨蒸
性措置乖張有臨經性措置乖張其病於固定痰量由種痰（種痰固
定痰量也）而成爲變痰（暫定痰量）因變痰而招風着則一切之
病皆因其蒸骨臨經之期而發生致外抵抗亦不足此等病證極易誤
治蓋骨之蒸也經之臨也有一定之時效時效過期原象恢復初不必
用藥石救助也（附有說明者藥石藥湯液也石炙砭也前賢處方亦
以植物性爲多石羔石英石脂硝石辰砂本非古意）夫辰砂之爲物
用其性重也用重性監督急性其意在使能子安寧耳故曰安神立意
甚妙無如重性皆滯動其能否由脾而入肝腎未可必也後人則以辰
砂拌燈薪拌連翹拌茯苓拌鉤藤皆花色名目仍寓節制之義然效力

亦殊薄也夫節流之藥植物中亦有瓦松涉釐景天之類何不直捷用之而必求辰砂方有安神效乎丹灶家大丹中用辰砂爲君蓋丹灶家之惟一主義使能子合一永住而不散宜其用辰砂爲之滯遲也然而能子究能因服食辰砂而凝合乎詢能矣亦速死之道也而其不能矣胃被石積且爲瘍症求長生而反自殺其生可哂也夫辰砂既滯胃又何能和胃胃和則臥安以辰砂安神僅意說無實際一非不能用藥石救助也治之暫定之痰量而遺其固定之痰量卽誤治也誤治蒸骨性臨經性之病者病人將有例病之虞故治童年及女子病也當察其五心之焦灼比其他部位如何而其較盛也蒸骨臨經無疑矣然孤證或恐不當進觀其指甲唇皮皆紅潤否心下空悶否一小兒能哭暢煩而不躁成年能噫呻而煩而不躁空悶也一脈象弦緊否舌尖絳否初病卽如此者均是也久病有此見象者不當作此論凡見諸象者或爲盛

衰高溫腸僻瘕泄舉揚作瘕皆骨蒸臨經之變動戒爾起止慎爾意志
得事前防範則其變動亦不致發生矣

瘍病以部位別其輕重也若疽發於前者多重發於背者或輕疔也疽
屬有根盤室痕頑固石硬不易破頭生於頭面指膝高骨之間治不得
其法危險立止癰疔疥癬之屬其圍於腰（帶腺）起於頰佈於腋於
乳頸於九竅皆重癰雖瘍中最輕然亦當注意部位故勿論何種瘍症
其流注於骨節結毒於九竅或在腦後（玉枕疽落頭癩）或在背脊
害及總腺者皆難治瘍症以紅腫爲上吉其不紅不腫無頭面可辨根
盤極大滋水無膿可畏也蓋瘍發則皮膚上之一部分皆壞死壞死利
去利去則不致蔓延擴大此第一步是去其壞死的問題壞死去矣新
肉不生則坎坎者一穴也肱張久之皆成瘡漏有血液薄弱不能新生
者有壞死未盡去不能生新者故第二步爲生新問題

心源一家言

中國醫學之神妙在以複成分治不以單成分治在以調劑化合治不以藥病比重治調劑化合循循然誘藥病比重強弱相凌礦物性多極量植物性多含量植物性既多含性故物性之局部化育與人體之藏器化育在化學性質上處同等地位（至於礦屬則含性不多以極量治人之含量藥病比重未免多滋流弊耳）

物體之上有黃素（如佛手黃連黃姜黃鬱金黃之屬）其利於人體之原因皆治腺約有青素（如大青如青果如各種葉青）其利於人體之原因皆治腺腫物體之上有紅素（如楓葉如艾葉如蓼艸如紅花）其利於人體之原因皆治脈約有綠素（如柏葉櫻葉苧麻）其利於人體之原因皆治脈腫

中國泡製之法煨枯所以利其行速也製透所以使其和緩也反藥同



方所以監督之也故須輕重其用量重藥輕用謂曰飲子薄味以甦胃也時藥引用謂曰引子所以利導之也何謂失調症其自然力不能復原也何謂失治症其所施之救助力不相當也故病有非治不愈者少治則病後失調病有不治可愈者多治則病中失治失調失治皆療病有其然故當明腺脈之感應有波潮力也波力彈力也潮力吸力也波紋潮環其形式之動機等拋物線之規定而行其腺脈之軌跡上故頂角周邊無不通達設其因消長盈縮而變其跡也血液過高爲發肥血液過低爲約制苟不知於其波潮力上實施變壓則高低何由得平而其由微所積之原子量難免不因之分離也蓋血液中各個原子量其密度間不容髮相連以爲直線相繫以爲曲線交點於各個藏器爲之絡護其發凡之焦點則上惟肝也下惟腎也總其源者脾也制其動者膽也人身上之經濟條件比物理初無

他異故其血液臃多潮力不足平其高亢乃發生軟化血液因他處臃多而此處貧瘠則發生硬化波力不足平其低降於是全體之間不流利也不活潑也此所以一處被病而多處皆形其不景氣使其積極下去於是復原爲難而能子亦不能安其居也我人所得以依據其表見之證象而診斷其病灶之所在地痛者神經之能力也炎者局部之行為也是故托裏溫經者使血行耐久也固真存津使液行持續也消痰降火導濕逐水並治痰量清膈降熱辛散苦洩並治風量肅肺宣脬爲升降之開提導胃潤腸爲消運之安平鎮攝復脉一治腺肥一治脈約養脾溫胆一振分泌一利苛潤行氣破血所以爲結痰之治疏絡清隧所以爲結瘰之治謂熄風而不曰攻風謂豁痰而不曰搜痰謂柔肝而不曰強肝謂安腎而不曰曰補腎所以消風（毒）所以利痰（水）也理中建中溫中均責於胃胃蓋中也清上者清肺實下者強脬本之



胃而言其上下也清心所以防其厥也分利所以防其蒙也達鬱所以防其陷也救逆所以維其脫也益氣以利防動機也消痞以治痰核也清燥以治風癩也至於補中我未見其補也攻下我未見其攻也潛陽我未見其潛也滋陰我未見其滋也開關通竅亦治痰熱之蒙耳扶元固表亦救脫繫之逆耳祛風除痰所以使毛像痿痺之得平祛風所以防腐除痰所以止醇祛風所以使急流者緩除痰所以使遲動者利蓋風性多疾痰性多痼

俗子之治疫欬也建蘭海南與之冰糖葵梗與之以爲非此不足以潤肺於是痰性膠固風性永着百日未愈延爲欬血久而久之飲病乃成病然歟藥然歟茫然不自知也其治骨蒸也早暮盛衰以爲瘧象矣青蒿銀胡與之手按不甚燔以爲餘邪餘毒未淨矣則桑皮地骨與之風着仍留痰量永駐淹纏苟延形瘦骨立猶曰病固如此也病然歟藥然

歟茫然不自知也痢下也則曰無滯不成痢木香檳榔與之葛根黃連
與之胃囊之毛像不得伸以致殛拒腸壁之腺脈重其傷害以致急重
反甚病然歟藥然歟茫然不自知也病類瘡之傷寒也必曰此濕溫病
也於是治胃治肺忙無手措或宗表解或宗裏解誤釋表裏爲汗下黑
膏湯承氣湯雜然並下以爲法備而或冀一效耳利未之見害隨之也
其胃渴也則曰結津化燥其督悶也則曰熱甚化火誤用治脊衝品之
金斛釀成疹痞方以爲病有出路也而其痞透也高溫仍未解不自責
用藥之不當而責於其病情之複雜夫誰爲複雜之茫然不知爲金斛
誤也久而久之能子萎藤脊衝眞病矣爲厥逆猶曰此毒邪未盡去也
仍當透發於是雲霞痞屢發無已仍以下滯也於是臘燭瀉屢下無算
以脫以陷誰之過耶蓋不肯曰於風量痰量辨其多寡拾古人牙餘敷
衍率責所以雖治不愈惟然當知風量幾何痰量幾何風痰之利爲正



數量之同等成分否爲負數量之異等成分否更別其既往現在與將來例如現在爲腺像病則知其既往或曾病毛像或未病毛像將來或延傷脈像或不致延傷脈像如此分別雖不中不遠矣以現在之病爲現在之治明既往所以參考也明未來所以防範也不追治既往蓋既往不論也不預治未來蓋非表現不預治也追治既往者如曾發痞而重發以痞是重以干犯也預治未來者如治肝不效而治其未傷之肺適所以引狼入室也此既往僅足以參考未來僅足以防範故治病者惟現在表現乃論

有非人智所能意想得到之病如鬼疰如狐惑如蠱惑如狼憑如百合蓋必其人有迎合之道然後爲其所疰爲其所憑爲其所惑耳非藥治能愈夫生靈不足死靈籍之靈神皆能子也有形而有神者生靈也無形而有神者死靈也故死靈之之于生靈必其人神經衰弱意志墮落

勇氣不張精力萎靡於是因光傳反射時間機巧電流速度處境適緣而死靈伺之其聲藉風其體藉燐如浮雲之形蒼狗如沫蜃之形海市以疰以憑而生靈惑也

光餘氣餘風量餘而傷人液餘血餘痰量餘而中人風傷於毛像也傷熱則惡熱傷寒則惡寒痰中於腺脈也爲脊衝病爲心腦瘵爲胃運弱爲脾呆困中風者中痰傷風之兼爲風瘵也傷痰者傷風中痰之兼爲風痺也

耳漏牙漏唇疳陰疳古名月蝕又名旋月九竅爲病宜責肺腠所以然者同是腺也肝發之腺上及肺爲肺護腺絡則其肝發之腺已成曲線雖由肝司頭面所部必由肺達腎發之腺下及腠爲腠護腺絡則其腎發之腺已成曲線雖由腎司而臀腹所部必由腠達故知忍尿者腹病腺痕痛也明明腎腺病而用猪苓車前不治腎而治腠者有上述之因

也故知着風者頭痛腺痕痛也明明肝腺病用藥本羌活不治肝而治肺者有上述之因也故帶腺爲病宜治胛絡任腺爲病宜治肺絡鼻痔耳菌陰挺同爲髓溢髓溢卽腺溢也故宜藥治使之平復不宜割去割去則腺脫繫雖當時不致命不能久也

產婦惡露阻暴吐不必治瘀盡自復

大腸有形蟲蝕食腸壁上升則厥下降則嗜臥面黃兩目呆頓腿腓肉蠕動形瘦不慎口腹所致

腸有燥屎滿體甲錯有汗不潤膚爲欲發疥疾也爲癬爲癩視其風量痰量而定癬爲風重癩爲痰重古說濕熱言痰遺風今說蟲蝕言風遺痰均未全理

遺精必兼便秘而其不兼便秘者滑精也蓋便秘則腸壁緊靠脊椎不利其行動而游溢也故遺精者不可仰臥恐其脊髓緊靠而增其遺也

不便秘之遺精爲無因而遺滑也非溢也故物理上凡有脊椎之動物依脊衝活者上發胆津下發腎精雞之性交非無精也雞精蓋流而不射故治人之陽痿不射症當振強其脊衝加增其液量故魚類兔類雞類鳧類唾津皆具備也謂曰氣交而不曰性交僅人目之短於視未之細審耳

絕症無治法絕症係何曰天柱骨倒衝腺斷也曰鼻尖冷肺氣絕也曰人中吊胃氣絕也曰膚現紫晦色爲腺脈均壞死也曰脘口曰脘肛曰流涎不禁曰男子流精無度女子陰戶涓涓不絕曰唇翻疳曰人中短曰殮拒不馨曰舌捲囊縮曰大汗如注無汗酸味珠而不流曰下魚膠屋漏曰糞如竹筒下曰臍突背平曰腰痛如切斷曰頭常搖動腦中屑屑如蟲行諸見此症皆絕候徒治無益

瘍病以時放矢氣者爲毒洩也以局部覺癢癢者爲生新也

頭項強而頭肥大毒中也爲古屋霉毒爲蛇蟾氣毒爲痰量花柳梅毒
升麻荷葉蒼朮藁本治之腿跗蹶強腫大不利行走爲水蛭水蛇氣毒
爲瘴毒爲痰量花柳梅毒浮萍紫苑巴豆生姜治之頭腫曰雷頭又曰
大頭脚腫曰象腫又曰流痼頭微腫有風疹塊遊風也脚微腫有風疹
塊脚氣也遊風爲風厲比鬼翦肩漏感受相同脚氣爲米疫（機米無
糠胃運不利腸有燥屎脾石不貢純）爲鼠疫蓋腿腫且結痂也古稱
氣血不和血液之動機遲鈍所致也若面頭生顆粒（昔曰陰虛火旺
）肺家熱窒其護絡之通於任腺者排洩痰量於皮膚（古說肺朝百
脈頭爲諸陽之會似有誤）頭部在前者肺司之任腺也在後者脊司
之衝腺也而其腦組之所有皆自心而來之腺脈爲護腦也總腺脈之
筋合併而往行於脊衝與衝腺相連合其支支絡絡者則牙床喉頭均
其所布藩謂頭爲諸陽會者或因腦受心潮心爲肝腎之總養乎謂肺

朝百脈者或因心被翼於肺以肺心相近而言乎以余所知頭面之任
腺爲肺統制則可斷言也眼疾用疾藜牙床疾用薄荷耳鳴用菖蒲天
麻喉病用射干麻黃何莫非治肺之風熱而以生利任腺乎

然則羚羊固可以治肝耶牛黃固可以治腎耶犀角固可以治心耶麝
香固以開諸竅馬寶固可以豁諸痰耶龜板鱉甲牡蠣石決更何取何
用夫若沈呆之物不滯傷胃囊亦幸矣安望其能由脾而達肝腎也况
入心者更須肝腎展轉也鎮痙止醇植物性中盡多藥物而其支解死
軀爲人救助欺人乎自欺乎病醫雙方以爲殆危一髮之際進以罕有
之品蓋僅解嘲耳於是乎全蝎亦用以治肝矣蛤蚧亦用以治腎矣入
被死人之腹更無從發其復也諸是類藥死人腹中多活人腹中少可
嘆也間有小效亦僅佐藥之功彼皮毛鱗角何效之有余所以於此動
物性之藥物如瓦楞蛤殼鹿角象皮貝玳阿膠魚唇魚胆熊胆蛇胆魚

肝魚腎魚肚山甲烏賊鱉蛸珠粉彊蠶蟬衣雞金雞子黃地枯螻煙蠟
牡蠣蟋蟀五穀蟲刺蝟皮蟬螂蜈蚣河豚素鱔魚血海狗鞭猴棗乾蟾
五靈脂原蠶砂夜明砂海金沙皆認爲不衛生藥物而代赭石靈磁石
硝石明礬石羔滑石石脂石英龍齒辰砂甘汞硫黃信砒海浮石寒水
石揚起石佩璧琥珀金銀銅鐵錫鈣磷鉀諸品礦物亦僅爲外瘍煉製
敷塗之用不堪服食治也若鑛物而溶解於水間或堪以一用然外治
之碘究不若海昆藻布可以內服若鹽類則僅能防腐不若梧桐油大
楓油之兼去風着也故鑛類者或堪一用而以不用爲尤妙也

夫肝腎求貢於脾求制於膽歸納於心腦其支其絡覆護肺脬及胃故
肝腎之約者求脾利也求膽利也肥者求肺脬分其勢也求膽苛潤之
急緩之宜也腎着病用蒼朮治脬也肝瘕病用天麻治肺也鈎藤治肝
本於熄風上之熄風責肺也故鈎藤仍是肺藥等川芎而同之細辛治

腎本於熄風下之熄風責脬也故細辛仍是脬藥等菖蒲而同之所以
肋痛卽用新絳旋復鎮肝先洩肺也腹痛而用烏藥茴香養腎先利治
脬也肝欲潮動而用杞棗艾紅治在脾也腎欲潮動而用黨芪附姜也
治在脾也惟然則羚羊之直接鎮瘕犀角之直接提陷牛黃之直接安
蒙皆爲不可能之事則其用也抑又何耶可笑又復可嘆

余於植物性之藥物中亦有所擇焉金鱗非脊髓不振不用也地黃取
其鐵質苟製熟之滋膩不可用也甘艸所以沈澱也非蜜炙則用不良
也馬兜鈴肺有風熱不用也桑白皮在肺脬邪毒未清慎勿用也黃連
胃囊形質不充者忌用也桔梗脬道寒性上犯不用也沙參凡見反應
高溫勿用也胡蘆巴蓬莪茂荊三稜香椽皮等辛烈足以傷毛像者皆
視其所因而忌用也

凡欲平胃靡當先發胃燄以冀肺霧脬霧出其汗洩如肺霧到而脬霧

不到上半身有汗下半身無汗下半身無汗而溲通者汗由溲道排洩
非無汗也下半身無汗溲不通方作下半身無汗治所以汗像之原料
乃出自胃汗像之見形乃本於肺脬此欲平胃臑必用豆類爲制劑故
宜用豆豉也宜用麥麩也豆豉之爲物有用麻黃製者有用青蒿製者
麥糲之爲物有用麻黃製者有用青蒿製者豆衣謂曰豆卷而黑豆料
豆穉豆菹豆紅豆之屬皆平胃也豆豉宜與生地同用者利血脈也宜
與梔子同用者利液腺也麩類或和之以藿樸（天中茶七香餅仿之
）或和之以砂杏或和之以半夏或和之以沈香無不爲胃家設法皆
具至理而其三焦（肺胃脬也）均行則有牛蒡也而其血液有利則
有荊芥除風量芍藥之痰量而其清寧膽絡爲一切腺脈之便則有橘
絡竹茹黑梔連翹蓋人胃之爲物下行爲順血液之在脈腺軌跡中以
流利爲便逆胃之血液則瞑眩若蒙（瞑眩嗜臥也謂病後宿糞下誤

也病後瞑眩正復胃和臥安故曰藥不瞑眩厥疾勿瘳。麻醉用哥羅仿嗅鼻致催眠不醒人甚至痛痒不覺蓋使肺管毛像皆呈下降胃管毛像皆呈上逆及其時效期間已過故須經嘔吐而得原像恢復泰西以肺閉而嗅以阿木尼亞亦探吐之法亦使其原像恢復也故肺閉之爲病非肺藏收約乃其毛像萎靡不能與外間之空氣相抵抗吐血之人喉癢渴欲飲皆雙方毛應所然也酒醉之人嘔吐狼藉而肺氣反覺舒暢然其未吐時口渴欲飲蓋見胃管毛像上逆無以順也常見痙變者口渴欲飲飲愈多而四肢厥冷愈甚此蓋氣食兩管之毛像因護管之脈腺不利而爲其毛應之特殊也世有酒醉而發爲痙變者傷毛像兼傷腺脈也俗子方以中風名之其實仍是傷痰必其人欲吐不得欲飲謹拒乃霍亂之一種切忌治厥當維持其脫繫也霍亂本係疫性本係胃病肺犯胃者窒息無自暢不吐不瀉下半身微汗上半身無汗脬

犯胃者疔腹無自適欲吐欲疰上半身微汗下半身無汗自病而病於肺腠者則暴吐暴疰指紋俱陷解休若蒙冷汗出一胃霍亂俗稱濕霍亂肺霍亂俗稱熱霍亂腠霍亂俗稱寒霍亂一所以然者胃囊痰滯風量侵襲或寒或熱所謂着涼夾滯感暑夾滯者是也

人之有胃上通食管以受補下通腸道以排洩腸道不清食管亦不能進益食管屯積腸道亦不得通利腸道與食管相對也而均受命於胃囊胃囊欠運則脾受不暢腸受亦不暢在胃脘之間痕窒以爲飽感古人有虛不受補之說非指服食人參熟地諸類覺得痕感而云夫人參熟地亦進食管與一切米麥菜蔬等補充同初亦無特效也乃世人偏以此等物類爲補品一若依類此等物類可以肉骨再造者其愚蓋不可及矣人參乃濕原之物熟地由生地泡製澀阻之力沈滯之機其爲胃碍必矣抑又甚者而用龜板驢皮徒擾胃囊不擇藥物之可用不可

用而咎其胃囊之虛不受補甯非可笑夫胃囊而真虛不受補矣則一切皆謹拒必非僅於藥物然也胃殛拒矣當別爲食管病乎腸道病乎胃囊自病乎此藥料之中所以有接輸之設也接輸類者有油類有乳類有蜜類有酒類有醋類有酸類有自然汁類有水類有糖類油類松節（松香油）丁香梧桐大楓油菜芝麻革麻均可製油也竹竿可瀝油者也橄欖可杵油也杏仁可取油者也米麥均可製酒也葡萄可製酒也酒變則爲醋醋又名苦酒醋變則爲酸酸類有烏梅酸也樟腦酸也有乳酸也乳酸則牛乳馬乳均屬之蜜有蜂蜜水則霜也（經霜姜）露也（鮮稻露人造花露不屬也）雨也雪也均屬之糖者有麥糖有果汁糖諸如此類自然汁有食料自然汁有藥料自然汁如柑汁桔汁鴿汁雞汁一切藥料花蕊杵取之汁子仁杵取之汁或取葉綠或取花紅均是也

人之智慧所以發達者體幹間酸素比較一切動物發達也（汗酸卽硫酸也）故人肉之味酸腥者宜耳夫動物之智慧猪不及羊雞不及鴨故羊鴨皆有騷味雞猪則無也酸源於膽苟血液而不經膽酸通過幾何不病其過剩積蓄也故通過膽酸苛過可以化肥也反是潤過可以化約也其通過素膽糖或酸是也以腺脉比電線之經緯以膽囊苛潤素比變壓之機樞取近譬也失血之人色不榮淋滯之人色萎黃治血治液之時不兼利膽家故有此反應上冒液爲鼻淵下冒液爲帶淋上冲血爲血暈下冲血爲崩漏液變痰量如發山洪腫象見矣血變痰量如遭霸制瘠象見矣夫腫瘠之得平治血液而利脾之外可不求膽素爲之生化耶蓋築隄防水不如導而利之全身之血液利而處常平昔人治水以鄰爲壑而不知導源於海視治血液不知和平全身同也保內暖胃之熱力也備外暖光之熱力也取內涼肺脬和暢故不窒也

藉外涼得風以透其暢也保內暖於冬時加衣所以禦寒借外暖於冬時曝日所以調溫度取內涼此西人夏日蔽衣以隔離外象也藉外涼遊山樂水所以避熱也人事不外持平溫可復也至於夏日脫衣雖可取涼病閉也冬日圍坐雖可取暖病滯氣也無衣蔽者日光易侵毛像不能自然聚人羣者空氣混濁毛像無以暢和皆招病之漸耳

肺氣下墜腠家不甯護腠之腺因水氣而痕肥疝也腠氣上奔肺囊不甯護肺之腺因水氣而痕肥喘也治喘用葶藶麻黃芫萎仍由腠生肺也治疝用橘葉桂枝赤芍仍由肺生腠也

本書所列剛瘰柔瘰或與古說相左夫瘰皆硬化也別以剛柔爲輕重之相較也有汗則脈腺愈瘠維持可愈故曰剛瘰也無汗爲風痰肘掣得汗則瘰性可解故曰柔瘰也余豈敢更改古人惟理論耳卽內經言脊脈爲督而余則言脊腺爲衝均願善讀書者化之

末次余將處方間之私得一一貢獻爲本書殿耳凡處方例宜以能子爲主以毛像或接輸爲使佐引之以時物今舉例如下

在上者洩肺以治肝求之能子則有蒺藜可治肝腺之風着卽以蒺藜爲主藥

肝腺之能力痕荊芥薄荷助之

肝腺之行爲肥獨活防風助之

在上者洩肺以治肝求之能子則有沙苑可治肝腺之痰注卽以沙苑爲主藥

肝腺之能力痕佩蘭霍香助之

肝腺之行爲肥青蒿茵陳助之

在下者洩肺以治腎求之能子則有蔓荊可治腎之風着卽以蔓荊爲主藥



腎腺之能力衰防已牛膝助之

腎腺之行爲肥川斷杜仲助之

在下者洩睥以治腎求之能子則有巴豆可治腎之痰注卽以巴豆爲

主藥

腎腺之能力衰甘遂商陸助之

腎腺之行爲肥大戟千金助之

附子潮液生地潮血

羌蔚能子也血中風着蘇葉艾葉助之血中痰注桃仁柏仁助之

丹參以利脈像元參以利液像

附子合丹參生地合元參均能兩利脈腺

槐末柏葉減脈臃而治腺像者也

紫茸紅花減腺臃而治脈像者也

射干桔梗並解膏肓之痰鬱蚤休川芎同治募原之風翳

紫苑入脬升脬之水氣以入肺然胸丘可虞旋復入肺降肺之水氣以入脬然腹隆亦危二藥同是毛像用者慎之

逐水氣於肺家葶藶可用也逐水氣於脬家元葵可用也進一步言葶藶而以浮萍爲助元葵而以麻黃爲助

麻黃兼細辛者佐也浮萍兼菖蒲者佐也

毛像能子兼而有之則治肺有牛蒡治肺有車前也

蘇子白芥子並去肺家之痰（開鬱也）茱萸椒目並除脬家之風（殺蟲也）

黑梔連翹膽道可利橘皮竹茹膽囊可安

葛根黃連合雞巨勝化胃之痰升麻紫胡合艸果砂仁消胃之風

鬱金延胡天麻竺黃山茨姑皆爲鎮痰之用茯苓豬苓澤瀉貝母雷丸

天花粉皆爲制痰之使

有兔絲女貞之爲主則浮麥含蓮皆可以止頽
有米仁苡仁之爲主則半夏南星皆可以防腐

由是而生化無窮杞菊生地也半括薤白也黑梔吳茱也黑梔黃柏也
半夏秫米也香附烏藥茴香也香附川芎砂仁也五味麥冬也附子肉
桂也桃仁當歸也麥冬生地炙艸也翹鼓銀花也檳榔艸果也檳榔枳
實也吳萸黃連也枳實白朮也香附肉桂生地也艸果知母也益智菖
蒲砂仁也牛蒡竹葉柳梗也橘絡桑枝姜皮也只實大黃厚樸也一切
一切參今酌古均可類推于是知妙用非常而我國醫非惟能運用科
學而其調劑方法爲複雜之化學作用可斷言耳

症以證識藥以症治痰熱痰寒結鬱宜辨也風寒風熱留着宜別也爲
濕濕併爲濕燥敵宜知也切記痰不能消愈消則愈多蟲不能殺愈殺

則愈盛痰量者血液減退而然也消痰適以消其血液形蟲者風性濕燥不經常如物腐而蟲化也腐去則蟲不生莠化爲良不殺自殺殺近傷重傷則蟲愈盛不勝其殺也所以半夏杏仁之屬皆爲液象平臃並非直接消溶其痰烏梅椒目皆爲胃家振毛並非直接殺除其蟲蓋胃腸消化推蕩力也液血運行循環力也故人身上之動機如呼吸等行爲皆作拋物線圓形惟左旋右回以常存耳而其病也亦惟適生順生求醫療者進以和緩工作亂棼以治理亢卑以持平務使其不偏不易如是夫

門人無錫管逢生襄校

表弟元和蔣逢春襄校

後述

長兄心源以師傅父訓之所授益以讀書經驗之所得衍爲此書仍以
傅父爲之裁定示不忘本也既裁之矣猶名之曰稿者示未是也書成
屬余任校事余乃有所述焉

不讀古人書無與言明理也不讀今人書無與言通時也此書有長皆
取浮文皆除古今貫通以爲學子之利便

讀書者不必盡信書也溫故以知新也證新以考故也故於記性而外
尤當另具悟性也聞一知十聞誤知正後學勉乎哉

此書以瘟瘵瘍爲統系以風着痰結爲規則爲醫學主義上之整理厥
功非淺

酬世之文與壽世之文異也夫人羣痛苦莫病爲甚拯天下難固所願
也拯天下難於藝技上着想此醫療之學勿用緩矣行見此書一出將



藏之金匱永垂後世

天地間事每每學不足以應其用才不足以濟其全蓋有實習而得之經驗者縱有治法不能明其理或誤治也蓋因揣求而得之學說者縱能明理不能法其治亦徒然耳本書則以學說經驗兩證互用讀者參酌自明

余傳父術而從長兄學風雨連牀每得聞其餘緒長兄之言曰看病要有標準例如痢病有風痢有痰痢欬病有風欬有痰欬瘧病有風瘧有痰瘧疫病有風疫有痰疫有風量引痰有痰量引風風與痰各以寒熱燥濕別之有相敵有相引氣立氣化皆人身內外之化學作用也惟能認識乃能無誤此治病者慎其始保其終故能十全不能慎始則流弊滋生挽救爲難例如其年氣候上雨水甚多春伏夏病甲錯無汗或有汗不解高溫此宜慎防布疹者也乃不知慎防而用苦洩而用芳香致

二
痹透不暢痞成膚癩豈病性所然乃藥成之耳亢旱之年秋伏冬病肺
欬腸瀉微汗熱壯此亦宜慎防布疹也乃清燥而用滲淡平熱而用溫
辛瀉痢欬喘隨隨可見而使痞痞難發或不立足蓋秋伏未解冬病重
遏皆爲草率從事毫無標準可斷故治亦不當余敢以標準列其後閱
者幸毋以爲贅爾

瘟忌重濁藥療忌苦洩藥瘍忌芳香藥

濕病 風濕治肺脬也痰濕治胃也

燥病 風燥治肺脬也痰燥治胃也

治病者惟以肺脬胃三者生化餘藏之治爲間接治也

寒濕爲病在風量溫利膀胱也在痰量平胃以和小腸也

熱濕爲病在風量暢通大腸也在痰量平胃以和小腸也

熱燥爲病清勻肺絡以治風量也

寒燥爲病生化胆經以治風量也言生化者間接治也視痰量之熱燥寒燥分別以和胃也

風量宜調痰量宜理消風風不去消痰痰不除蓋風痰非可以消治也覆舟載舟能善爲利用耳

先風後痰者先治風而後治痰先痰後風者先治痰而後治風視其所受量察其所感應切勿倒裝門影

寒傷膀胱爲傷寒熱傷肺家爲傷熱

中風中痰 風中而痰亦中 中痰中風 痰中而風亦中

濕瘟者痰量病濕風量病瘟燥瘟熱瘟寒瘟均可推求之

風量痰量皆有相敵相引之道如風濕痰濕相引也風濕痰燥相敵也於是風熱痰寒痰熱風寒均如之而欬病而疸病而瘧病而一切病皆

惟此論

風量必傷肺腠痰量必傷胃像藥治者故宜以能子生動能子也花葉以治肺腠也鼓麩以治胃像也治肺腠之絡而肝腎之絡皆利也治胃腸之用而脾胆之用皆利也

人爲有機類故有機能言風者細菌也言痰者細胞也相和而機能備相積而機能病一反掌間

痢無止法欬無止法瀉無止法瘰無止法蓋毛像方或瘰或痿所謂不暢也何堪重以伏之故皆以通利爲治

血類也賁也爲崩爲噎液類也賁也爲淵爲沃知結痰結瘰之所自病波之動潮之動氣行血行氣利液利蓋爲其機動言也

余於校印之餘作此後述世之覽者當亦知所擇矣胞弟姚任之紀錄並識

誌成

本書在未發行前得上海李國華君沈胄君吳梅村君傅雅泉君田禮
雲君王冬陽君薛子仁君劉墨香君林雪梅君俞培元君潘幼香君劉
生白君蔣友良君朱阜山君史公博君子小川君李潔天君周萼輝君
嚴嘉樂君陳樹棠君陸康甫君戚如軒君管鳳笙君大通曹綺生君曹
佐廷君無錫高時良君江西吳海清君餘杭紀元彰君合江蒲定祥君
麗水江士瑜君湖南常友遜君湖北曾響深君漢口陳其昌君江友東
君梅退安君山東應策庵君四川葉世強君汕頭黃雨岩君廈門許志
澤君河南李哲民君菲島陳其榮君青島沈時霖君新加坡劉潤豐君
雲南吳體時君浦江朱潤卿君漢口郭楚欽君浦東嚴友僧君四川新
民藥房太平李府東君萬源萬道明君暨上海東方圖書館等襄助預
約以成此書刊存簡末藉示不忘



心源不敏行道申江初無餘資以刊此書稿成就業師家君而裁之得若干頁家兄雪漁見之曰可刊而出也毅然出千金以助余成姻親蔣君冠華設印肆於海上於是由蔣君承印務蔣君之友有張又南其人信而能任事者也排版送校備其勞苦弟任之表弟蔣誦盤爲之校閱門人管逢生表弟蔣逢春襄焉皆爲成全本書之出力人也而得丹徒趙悔盦師命名並因趙涓舫世長而得王一老先生題眉引爲幸事綜誌於此以明此書之顛末云爾

